

幸餘求定稿

六之十二



幸餘求定稿六

遣興

遇窮道在固賢節以守通况有桑麻田服先可安農季
長惜不貲伯喈阻奔東豈不宏六藝止險良未工結廬
西山址苗豆依時豐灌園除隴蔓散步得長松夏雨不
歸山竹氣侵房櫳鑑彼失路子還得葆吾宗

始秋雲閒月流光耀玉堂華筵麗明燭清謳間笙簧不
知誰家子良夜樂何長東鄰蓬廬士幽響發清商徘徊
望孤矚遠思在羲皇持杯忽復醉舉世澹相忘浮沈有
定命相需徒未央

幸餘求定稿

卷六

阮公貴保生陶令固窳節任真不肯醒同爲至慎傑出
門望四野黯黯元雲結王程漸欲蕪歧路紛車轍幽人
精白懷介然與世絕大分不可干深心有時熱何用酒
爲徒自與醜糟別

辭家遊四海忽復萬里餘俯仰耀金碧逐役迷所居晨
鐘來雲表憬然懷舊廬長山兼遠水故道反崎嶇至和
處大同老氏遊物初豈謂迷途復卽遠見歸墟迢迢天
外霞灼灼難可逾栖心苟得所終老不相疏

孤松散嶺芬芙蓉發皋芳稱心樂得所榮謝永相忘至
讓稅荆蠻求仁餓首陽歌薇適履坦採藥亦周行德義



且不知矧計千載長亮彼蕩蕩懷何用令名彰
聖訓貴躬行蒙莊賤糟粕大道日星懸識小徒爲博汎
等先民懷蘇糞仍咿嚶鼎彝豈不陳揖讓意何闊摘文
龍躍津申筆虎臥閣同憐火用光詎憶耕能穫抗懷宇
宙間洙泗猶可作

元雲日夜蔽一綫天無青氣澄雲漸薄微鱗見圓靈客
颯致駒眼萬里忽復冥我生戚醮地野馬紛無停推懷
坐光景觀象感心形重陽不做照孤耀永天經遐哉天
遊徒捷彼內外局

茅容樹下恭孟敏不顧甑古人貴爲學甯非以行勝文
幸餘文定稿

卷六

二

藻能行遠從嬌如送媵矧乃製美錦無物恥瓶罄水木
有根源桃李暫成徑封禪與美新末路悲心孕

忠臣不避難烈士不逃刑榮辱及身止毋乃非臣經惟
漢有楷模望古思前型夷險安可億懷抱存正靈造次
苟不違生死皆仁亨嗟嗟當途士委蛇以爲明

范滂澹蕩人塞禍異元節攬轡志澄清對簿何烈烈至
今誠子言讀之五情熱儒世想高風吾道經三折

時隆多窮途會污徑易捷科目能困人造材亦踵接焯
焯枝上花微臭亂蠹蝶眷懷未放時含意耐深哀天道
自乘除君子重所慳

灌園有作

伏雨束熯威秋炎噴暑勢廣望山流焦積晨川斷逝雲
峯喜漸高雨路候遙替委瀉仰鄰壑稍欣稻陂濟貧農
望歲心祝雨入夢寐唱咀雜鼓鉦永夜驅龍睡廬西有
元圃菘薤料秋藝日夕百抱甕未覺生意遂譬如沈冥
士千喚不一現惡歲憶龍蛇荒疇殖人飢饑腸冒鋒刃
千里回悲睇不儼室家存豈辦田園計蒼茫二十年聊
得風雨蔽權親摘秋果侑讀采春蕙時風午榻夢情月
山楹醉對茲性繭纒懷彼心兵曳營已師苟完感世冀
嘉穗大有可書年一任南山翳

幸餘求定稿

卷六

三

贈存之

昔親儀衛翁生晚未從遊文章滿遺笥稍足供冥搜君
家五世交淵源異凡儔兩家沐餘韻跬步遵其郵鸞鷲
棲高梧鸞鳳出丹邱至今數翁門見子出一頭通經致
世用敷政徵學優獲上元宰信強項羣司羞風聲所漸
被流頌盈道周我生如朽木日夜滄溟浮風濤張性罟
鮫鱷羅心鉤時窺島嶼近絳止豈自由嘗抱萬里心高
步百尺樓銅章爲親屈一去十年留地僻天水遠鬼俗
山風偷達長惜短羽爪鈍慙下韝耆舊久波逝文采還
風流翻然厭形役遇子亦歸休握手一大笑坦道停雙

駟鄉里羣兒愚如農失先疇燕越眷南北炎冷偵春秋
君當拔圓嶠西注峙吾州吾居近翁隴神期肝蠻酬刊
落華文縛冥契精微幽睽眎不可追趨蹶難爲收階梯
取君尊要妙助吾修

寄莫仲武

礪戶納流雲山雨沒潭石一葉動清空正憶揚州客
余將有行兒輩以書勸止題簡端以答之

東海西山暗自盟高堂况筮得先庚還鄉果是遺安計
應負當時傅別成

番椒

幸餘求定稿

卷六

四

少年曾寫味椒圖茅潔薑辛欲共敷世事已非吾漸老
斜陽臺笠碧山隅

歸樵

一徑挂危峯迴旋入雲去但聞樵唱高不識家何處
予閒居六載人事多違奉養疏缺接世寡儻將申
吳越之遊以寫久居之鬱親懷旣欣諸兒悵然迺
爲短章歌以慰之

歲盛富遠志老至畏時艱饑渴事不展霰雪空盈巔牛
刀屈雞用抗心感聖言矧世多才傑審分慙貞堅遂卷
吾素抱安就被寒泉聳楹納衆秀敞扉駐餘妍洞空挂

秋晴傾響瀉神淵雲讓一峯出口散萬木寒卽此意良已悵望亦胡然

古人貴時義出處詎一轍道違接浙行際可無磨涅舊聞憶過庭微義陋身潔舟楫力不任稼穡豈自絕鴻歌吳會遊穉耕逆旅說行止雖除分精意同世則蠶眠萬戶暖龍行天下悅淄磷謝先民建善懷古烈

風急霜波寒浩然江上秋羣動思潛蟄征鴈胡所求陟山有藏穴逝水想安流尋仙事多阻養志理無優雲月無際寒江湖有深愁坐思彌矰繳慨慕冥冥遊郭田成都澤谷館下渙留憶親母我勞修業安爾疇布帆詎經幸餘求定稿

卷六

五

歲終逐歸鴻休

將之吳會于重陽日送通伯往京

挂帆離皖國落葉滿江城更向寒波外送君復遠行風塵侵客路雲日麗神京隔歲登高處應憐此際情

將之吳中留別仲勉

憶落淮南葉同拏建業舟碧空雲嶼暮斜日布帆秋念我天涯去遙生江上愁舊時風景在逐路爲君留

蕪湖寄楷樸兒書後題此

水宿逾三夜維舟復此關清懽人外足生事客中刪鴈陣空如定漁帆遠似閒縱陽兒女處書到一開顏

雨泊當塗縣

海氣江光接渺茫風牆東去意蒼涼水容遠繪帆千葉
煙雨橫涵鴈一行已分石田甘種菜那堪仙路苦求漿
當途魚美聊停棹風浪平時進一觴

泊太平

野舍甘長拙雲帆復此途江空生瀕洞山遠入虛無念
國憐兒戲論交憶老儒東征意何托聊得板輿扶

登太白樓

楚殿荒涼蜀道危高樓百尺起遙思憑欄欲共詩魂語
日澹波寒不可追

幸餘求定稿

卷六

六

江甯晤廉卿贈之

憔悴乾坤幾嶮舒秣陵重見渺愁予空聞神鬼勞前席
不信熊羆有傳車江水波寒霜重後海山人到雪飛初
季鷹久抱秋風興幾度松湖自煮魚

湘水枯微絕問津老漁空憶武陵春權輿遠近猶乘屋
薪木摧傷幾寓人盛代自饒天下寶卽今爭獻海西珍
扁舟風雪秦淮道獨有張堪可共論

送尊齋奉使日本

昔聞班超走西域隻手定國三十六又聞得主諸葛公
治內首獲攻心功君曾有志今未遂走三萬里亦何貴

樓船朝開滄海東，駮蛟駕鯉吞曦紅。島首遙破波濤拜，
燁赫亦足驚凡庸。水輪縮海火飛陸，開闢以來無此局。
天心爲欲夷變華，仰首長呼如睡熟。國家閒暇有常經，
芻狗不謂空具形。但能放手絕私意，豈必異地借新矧。
君昨陳詞向虞舜，知有英謀排衆進。孤注心寒白玉樓，
盈廷人豔黃金印。野鶴橫江建業城，故人猶記蘇雲卿。
殷勤十四年中事，欲語無語空復情。張公席上一杯酒，
蕭條何處開醉口。如君發劄猶善藏，似我真宜早縮手。
君不見妖星六月照四垠，紫微黃閣光芒新。五行紛糾
不可詰，天上諸老何逡巡。行矣中外同致身，勿逐羣兒
幸餘求定稿。

卷六

七

羨奇珍海中風雪不在遠，好爲皇家加餐飯。

雪後獨遊平山堂示僧兼柬仲武

平山堂前風有色，道上冰花堅似石。老僧深居謝車馬，
怪我衝冷來荒澤。拂牀開戶出羹飯，十語九贊剝果碩。
人生緣遇安可宅，落手稱心端在適。乾坤何處不清寒，
去住虛空同逼窄。况開堂宇明遠雪，别有疏韻生遙磧。
竹梧零亂來殘青，鳧鴈參差下寒碧。日墮平蕪橘墜杵，
鴉藏衰柳癭挂腋。吾鄉浮渡公所經，說法當時驚黑白。
八百年來好事絕，把似茲堂有疆畫。江山表靈待人物，
不爾蘊真甘遠斥。標實須名太古然，賢流勝地鎮相借。

歐公已死不再生池亭何異菅榛積僧乎僧乎爾但試
數門前客莫向炎涼分寸尺道高邂逅成故事譽寡當
場已掃迹遠鐘稍稍動歸興暝色蒼然深可摘寒廳談
笑對良朋鐙火揚州又一夕

送張後沆隨使日本

方丈仙曹使節催送君東去獨徘徊亦知海上神山好
別有傷心撥棹回

梅花嶺謁史忠正衣冠墓

故里曾瞻玉貌懸叢祠乔木尚風煙雕戈北峽勞三援
玉燭西陵慟十年此日瓣香親毅魄他時衣鉢憶鄉賢
幸餘求定稿

卷六

八

揚州又見繁華歇斷雪殘鐘一惘然

公爲吾鄉左忠毅所知張獻忠之亂

公曾三解城圍

洪琴西都轉拉觀署中園亭感賦因贈之

先人昔在維揚日東閣觀梅月幾巡花下圖書深網緘
酒邊裙屐盛扶輪當時談藝無殘客此日舉帷有故人
撫事流連又開府草茵苔印迹空陳

漢水陵陽毓俊才殊聲雲合動風雷嘉謨閩海曾欣薦
大業湘江望遠陪明月漸移寒鴈鶩青山無恙照樓臺
異時棉上安文隱莫向煙波問晉推

雪中柬仲武

潮落江空鴈斷聲
天風海氣冷蕪城
我來造榻逢初雪
占得園林一晌清

主人清尊爲客開
竹梧不減東閣梅
便當歲歲揚州道
獨刺扁舟載雪來

贈汪梅村先生

吳中舊毓經師地
聞道人師喜欲狂
芳物那成廣陵散
葆真今見魯靈光
鑪泉香絮無由俗
廚饌腥羶任世嘗
祇恐後來少樵楸
祝公食氣過張蒼

秣陵歲暮雜興

東吳玉樹久凋殘
小住金陵送歲闌
千里簞笻人外靜
幸餘求定稿

卷六

九

一城燈火客中寒
到來勝地空文藻
別後音書憶路難
日暮高樓起愁思
宵風颭雪滿江干

不信橫流定止車
野人舟在且浮家
江閒春色迴天地
海上潮聲變歲華
衰草寒隄殷仲柳
筠籃曉日邵平瓜
劇憐馬糞烏衣街
步履婆娑數暮鴉

鍾山望氣久蕭穆
林壑風巖變古今
好景不辭花鳥暮
青春常爲管弦深
江山麗蹟駢鬢宇
文藻虛堂慨釜鬻
舊手已遙驚後死
清涼雲物漫追尋

朱雀橋南積雪晴
曠遊漫討六朝名
荒祠舊榜題康樂
斷碣殘僧識步兵
山水未應殊昔勝
琴尊何處問平生

蒼鶩墮地惟前代皇路驅車敢淚傾

京華一別十三載屠狗英雄近若何廊陞文章爭補袞
江湖歲月老漁蓑平時下品高門少草昧成名豎子多
北望居庸極天末五雲終繞漢山河

紫瓊闈闔矗層霄雲漢高寒閣道遙玉殿獨通王母馭
琳宮只受廣成朝金銀衆闕羅羣帝紀宿星官拱斗杓
熒惑天狼莫相犯我皇神武過唐堯

羣壑西環鐵甕雄蜀岡幕府倚江東濤迴玉粒千艘白
火鑄滄波萬竈紅夾轂問門金作屋長衢留輦翠爲宮
風潮三宿魚龍夜短檝烏皮帳望同

幸餘求定稿

卷六

十

挂劍綱維半壁藩夷吾端在古風存閣書事抵規年格
澆柱誰當呪至言淮水波濤流海國蔣山雲氣接中原
遲行緩步紛紛持節匡坐南溟看徙鯤

鴻飛鵠逝各何之獨坐蕭齋有所思文字待遣需謗好
故人別久斷書宜清香畫戟輕荆璞濁酒山樓廢尹著
一望江頭風雨晚幾懷谷口柳枝垂

市酒驅愁欲策勳獨醒翻倒惜離羣晴尋古蹟交新友
兩借奇書按舊聞永夜客星懸碧落大江孤月照閒雲
盤江清絕湘波遠太息揚靈一弔君

登北顧山

世亂尊天險時清引勝遊一江天地坼雙嶼古今浮象
輦人間蹕龍旂日下舟百年虛盛典北望不勝愁

金山

金山今古勝三度繫遊艘樹色忽連岸鐘聲常渡江天
風催客鬢佛閣換僧幢爲問蘇公帶禪心復幾降

山下洲渚

連岸不復
水中矣

訪源姪設齋於金山僧舍

未到山椒已半空九霄雲氣檻前通坐疑鐘磬懸天上
時見帆檣出地中壺酒斷知遵佛戒盤餐小有話宗風
主人意倦僧歸院枉對焦山興不窮

幸餘求定稿

卷六

十一

舉扇

舉扇何由忽障風西來青鳥報書空自知芳草當階上
那有仙桃入籠中設醴官衙虛夏口聯牀使幕憶江東
武昌今日魚無數不遣纖鱗到釣翁

鎮江贈訪源時權城守參將

把杯逢歲暮情話憶家風料事冰同履爲官節豈豐旌
旗思舊部壁壘見新功更喜書鞭筆滔滔江水東

立春日晚歸望鍾山金紫璀璨殊動人念

木末少銜和勁颿天際改寶蠟引流光歸陽發山彩騰
紫搖澄空浮金爍遠海旅館神久幽廣巒目啟愷晨遊

驚乍賒旋步協暮采穹石跨天雲芳風動林藹旣聆高
蹈往復此靈局在化迹感誌靈隱蹤懽謝悔至今薜蘿
人悄恍雲中待瑤氣階仙梯天宇曠神宰瞻前豈一覽
感後計千載

明故宮觀方正學先生血書篆字石

蒼茫寒隴際一水帶籬通鳳闕樓梁盡虹橋秀石空連
陞開夕照獨樹冷雄風不爲貞臣血何人到故宮

除夕口占示諸子

鐙火樓臺夜江山城郭淥我來瑤瑟暮客思玉杯深匹
練叢花繞千門璧月沈碧煙屏列柏絳氣肉如林蓬葉

幸餘求定稿

卷六

五

爭迎富椒盤喜盞簪虹舒珂繖錦鱗比畫符金炷輝山
臊遠氤氳佛火歆擔風眠酒事枕石漱流心正憶寒巖
宿相將煖釀斟玉魚先擇鰕銀鴨祝多禽壽母梅甦昨
怡人竹爆今攜雛觀蠟鳳覓句檢書蟬小薄逐貧賦聊
歌梁父吟輒風香霧裏明旦與開襟

壬午元旦散步赤石磯

玉樓昨夜醉銀笙棋局詩瓢閣五更萬里春風吹不醒
江南閒煞老書生

曉日曛曛霧未消南岡東畔第三橋籬門前夜披衣雨
已上秦淮二尺潮

臺城有鯛

宮禁金輿斷葳蕤鐵鎖垂似聞新有恨不許世人知

雞鳴寺大風

湖色前朝水山雲亂後城春風二十日猶帶歲寒聲

燕脂井

人言道旁井麗華曾此入三五小女兒年年事朝汲

同人遊城北諸山至張伯山宅小飲

放眼谿山足嘯歌暑風結綺任消訛煙流破閣餘嘉樹
草長寒塘有敗荷今日只談風景好秋來到處夕陽多
天邊又見春江月照我蓮花橋下過

幸餘求定稿

卷六

十三

古林菴

風磴泉關鎖暮雲贊公無復妙香薰今時高士判難遇
古刹名僧憶幼聞白米未篩僧欲老鬚眉猶在佛空焚
故山亦有招提好不獨南朝悵夕曛

客有勸謁大官者口號答之

新聞絳節下江關鳳翼龍鱗各附攀四面嶽雲成雨去
五更夜雪掃門還車書事往人何在廊廟心長鬢已斑
幾欲褰衣援孔李婆娑無那性貪閒

酬寒人見寄之作

萬壑松雲老鶴巢泉聲注盡硯穿坳近來一管中書筆

付與何人廣絕交

送兒概歸應試還經湖樓作此寄之

送爾西登江上舟
天南翻恨客星留
含情獨倚高樓望
一片湖光是莫愁

鳳遊寺志云卽古瓦棺址

鳳遊臺外瓦棺寺
寥落僧房古堞陰
牘有鐘聲常不斷
竹籬茅徑得相尋

阮公墓

野日消殘雪
春江起暮雲
晚鐘寒寺外人說
嗣宗墳

卽事

幸餘求定稿

卷六

十四

風光何與客
愁思不關春
晴郭輝芳樹
寒江爽霽晨
橫空山並海
不斷水迷津
景物看如此
未知誰主賓

題淵明傳後

百丈匡廬秀
接天江陵歸
去幾經年
壁間牘有孤桐在
偶對薰風欲上絃

題莫愁湖樓壁

天有遙山湖
有雲杏花風
起水生紋
九原若許中山作
爲問春光深幾分

出郭

行背秦淮一里餘
莫愁湖畔釣人居
數株楊柳江南路

紅杏小橋春賣魚

正月二十七日侍 慈大人遊後湖馬上漫詠

看盡三冬江上晴後湖又趁早春行馬羣散牧草初綠
魚艇閣沙水未生山樹解寒生遠韻僧廚無供有餘情
籃輿穩載清光去萬斛鷗波鑄鏡平

翌日再遊妙香菴

午日當天萬象閒巍然灰劫贖禪關樓前雨後青谿水
樹裏春來白壘山花鳥動興遊客感風光喜放老人顏
斜陽未盡雞鳴寺乘興還憑竹杖攀

曉起

幸係求定稿

卷六

十五

綴露滿花朵斷雲猶在天不知夜來雨潤得幾家田
發江甯卻寄梅村先生

一櫂去江東孤帆天地中山迴連海碧霞起沁波紅高
蹈空懷古長吟孰與同獨憐汪處士三徑滿蒿蓬

舟中五十生日

頭顱不駐春身心易爲泰征居兩未卜瞿然乃及艾春
風吹歸舟江波淼涵靄茅檐窈窕花芳渚青熒菜雞豚
勞舊僕僕人高貞具食物相饌風水慰今憊童嬉十九忘姻族一

二在爲樂當及親繕性甯時背回首檢平生白日照圖
畫二十椿蔭深萌芽漸聞戒三十戎馬閒拜母小稱快

辛勤四十時迹進心蓄退山林吾素敦塵網罟時會謂
當亟舍去庶以養吾大蕭條八年居牧馬未去害諸兒
看長成讀書絆計會田園日峻削敝廬輟苦蓋衰親強
儉口恤兒酒肉債常日散金錢縮手時自耐安貧固士
常儉養亦何賴蹉跎五十年私省慙門內古人重守節
有恨祿不逮愬哉介隱心獨出毛公外幡然覺昨非倒
起淵明喟抱茲行庭理鞿入扁舟再二月水未深山川
供清邁天門搖前青采石卻後黛波日鋪廣錦岸峯引
修帶白水採天光一綫綠芳界晴鴈遠沒雲寒禽鳴依
瀨疏柳閒杏花孤村漁網挂目盡意有餘心曠神無礙

幸餘求定稿

卷六

十六

坐貪清輝長不知歲月廢詩篇異寫憂聊得吾親愛

至蕪湖

鐙火上城郭維舟又此津野煙沈驛樹微雨冷江春塔
古鈴無語祠荒石有神明朝望秋浦應見九華人

曉發三山夾乘風泊銅陵

春暄釀微雨長風來海門曉挂三華帆夕宿銅陵煙篙
呼喧枕夢篷牽雲水昏注晴山卻走疑聽濤微奔低昂
岸村樹前卻鄰篷船水市俄數過山樓渺已連不知道
近遠但覺天蒼然人身如虛舟通絀不可言主翁澹空
明行庭何險艱冥坐默相忘忻滅滅其閒錯落鐙火來

徐入華胥眼

江行

澹澹波中峯依依天上帆
薄日明積水虛光無際涵
樅陽望欲至九華猶蔚藍
誰歟山居毋乃仙人菴

落帆

帆落樅陽酒正醒
曉妝明鏡鬪娉婷
向來雨後看山興
入眼今朝分外青

春日漫興

客裏春光何處賒
勞勞亭畔日初斜
三义別徑聞茶鼓
一角頽牆見杏花
驛置似開君子館
江干虛上老人槎

幸餘求定稿

卷六

十七

谷鶯海燕無消息
漫對疏林數噪鴉

缺題

回首瑤池三萬杯
酒深仙樂動如雷
雜花裝樹當春發
絳蠟生香並夜開
風墮玉繩雲不散
桐飛金井月還來
祇今鐵笛關愁思
空負清都聽落梅

哭鑑亭

世閒直亮如君少
天上今應食有魚
倚樹漸疑成苦李
買山纔可種甘藷
官中夜燭曾相約
病起秋風尚寄書

知汝吟魂憐弱息
春寒雪冷閉門居

卒前一月以詩二篇見寄

和寒人飲龍井茶見贈之作次原韻

同是寒泉在熟孟夢醒何事感東隅分明舊日看雲路
山色春來雨後殊

幸餘求定稿

卷六

六

幸餘求定稿七

集賢關阻雨

逢龍道上夜烏唳夢裏還家花滿蹊醒向山頭望親舍
白雲無限繞峯西

爲倫叔題文衡山山水

江上春光次第闌谷風蘿雨綠簑寒向來萬斛谿山興
卻向衡山畫裏看

方靈皋先生書文賦册子爲存之題

靈皋初任京華日曾舉蘇書勵素侯高識早年超舊手
大文故應看傳頭當時餘事珠璣在此際流風粉澤收
幸餘求定稿

卷七

把卷知君惜樵楛摩娑不獨爲銀鈎

漂母祠

昔聞韓信釣遊年一飯曾經漂母憐今日祠前繫孤榜
夕陽空照水如天

登鎮淮樓

在淮安府城內中街

滄海中原一氣冥憑高醉眼豁餘醒南來水盡懸空白
北去山無不了青小劫天人留埤堥大河風雨會神靈
淮陰舊說多年少誰向橋邊帶劍停

淮安贈別筱塢及筵上諸君

破車殺馬成虛誓溯水離山請檄來兄弟二年重別酒

賓朋四座出羣才
麥晴攬轡淮河會
槐夏登山海岳開
閭闔峇峩定相憶
楚雲燕樹接三台

題驛壁

一雨朝晴穩客心
無端清思坐徐深
舊時驛舍看栽樹
十五年來滿院陰

新泰

我行新泰道不知行旅艱
新泰多礫石時忽坦且寬
峻坂削犖确直髮騁闌干
坻開太古石橋駕千里川
巡工來邑宰冠蓋雜笞鞭
百夫無完衣鵠立赤日間
後吏揚揚至喜謂吾官嚴
捉人無羸老幼婦餉盤
殮雇錢日十幸餘求定稿

卷七

二

五不足供一餐低頭鑿堅石
袒背當曦炎良苗穢未治
路側朝及昏今日多捶楚
病骨不敢言所以民子來
王道得平平疲馬輕百里
勞客車上眠古來興百利
難免一病存停車畢此說
瞪目難爲安征者樂行歌
居者坐長歎

齊河道中

山光泰岱了河勢魯齊臨
有地天同曠無風日似沈
黍梁連吟短槐柳逐村陰
回首雲興岳斯人慰望深
時甚

殷

午日過獻縣

征途遇佳節鄉思轉難支地闊疑無盡天高問豈知日
黃瀛海國塵白仲舒祠回首榴花發庭闈分糗時

旅舍口號

昔年燕趙壯孤征亂後笙歌過五更今日酒醒茶未冷
檀槽依約兩三聲

雄縣曉發

薄霧散宵雨清氣與風奏雲光縱野妍樹色生山秀懷
欣秣舒苗風化蟲驚候村童摘夏果老圃耘秋豆豈無
客途感精魄爽茲覲山味晴熟梅益香風入袖緬彼千
里家永此他鄉晝終當脫青衫裨盥高堂侑

幸餘求定稿

卷七

三

固安聞鶡

杜宇聲中行客稀寄言莫向斗南飛故人念我燕山道
馬首春殘正未歸

經南苑進永定門

瞭鷹臺北對西山諫獵無書禁尉閒朝日一駝鳴輦道
嘶風萬馬出天閑蒼皇望闕思龍起遲暮登車媿鶴還
甘旨漸稀諸子少霜華滿鬢入燕關

至都中喜晤代耕姪兼感憶尊甫吉甫三兄

湘波初動碧荷池卅載悲懽並此時家有竹林慙大阮
室無琴榻感徽之九江風雨人相憶三晉音書鴈到遲

至竟銅盤能濟美銀河浪定日邊垂

代耕時需次
永定河工

示通伯

去年爾北我南行門戶蕭條每共驚
老輩文章傳白下
舊家世業賸清名相逢帝里人無恙
別後星槎事幾更
傳說少微同照地空階坐對不勝情

贈稷甫時初補御史

憶別京華十五年相逢雙鬢各蒼然
文章天上三台貴
巾褐人間五嶽跼出處自知慙謝朓
諍差喜得韋賢
都亭大有埋輪地温室休嫌疏草傳

贈馬月樵時以大理寺丞兼應科目

幸餘求定稿

卷七

四

玉室金堂待曉珂通經餘事法曹過
漢家斷獄于公最
唐世平反狄相多四海風趨尊蠹簡
一時衣鉢重鑿坡
獨憐燕酒相攜處促膝停觴憶志和

未謂
芝生

贈張二谷時以知縣謁選

塵世相逢多望外故人久別得真懽
相憐筋力疲爲客
翻笑韶華老入官天地萬年輪底窄
海山五月筆端寒
從今好買鷺谿絹細寫民風座上
看

君工山水時
鷺以自給

睡功

蕭然一雨卻炎風漫閣羈愁試睡功
芻狗早通三夢外
鴛鴦徐穩一枝中
渙冰若谷歸元牝吹火燎原熄絳宮

都向枕中生妙法不須大覺望雷同

寄贈摯甫

刺史初從幕府徵聲名意氣各飛騰文章永叔推蘇軾
賓客侯嬴報信陵一自大星傳夜隕空聞舊友議同升
刺史與李相國同出文正門下可憐滄海桑田際無限天池看化鵬
松鶴齋猿歲月更天風吹斷步虛聲雲難作雨空舒卷
泉偶辭山任濁清三輔春風活國手九河秋水故人情
建康會座堪同憶準擬重親小異生

洗象詞

輭塵寶馬綠槐天羅扇蕉衫簇玉鈿金斛捲波香象起
幸餘求定稿

卷七

五

始知今是太平年

曉起

月午忽斂光孤雲澹如染高樹動風枝淺深看冉冉

晚寒

風訊先秋送晚寒月弦三下客中看故鄉此日二千里
歸路知應萬木丹

夏日陶然亭同月樵通伯及方彥恂

嘉樹在檐端高齋納眾綠庭陰暑不侵夏雨夜來足微
雲澹午暄好風出鄰竹招邀情銜協曠覽興往復情來
萬化移童叟亦天鬻寺鐘曳殘陽野韻明疏木蕭蕭蘆

葦深含意先秋肅妙境奪諸有餘妍引迤矚遠容易爲
歡邂逅自成福江亭感傳頭歸景綴遊日落日下西山

餘清散林屋亭構自戶部郎江藻或榜之曰江亭

樸兒書來報女孫蓮殤哭之以詩

苦恨臨歧不睹微淚珠千里向南揮子以四月六日辭家蓮已有微疾臨

行撲入子懷戀戀不去書來遲蓄天師艾三易醫病愈劇夢裏虛牽客子

衣殤前三日夢小兒伏子臂前以一手捉子肘甚堅佛果再花遐想結妙蓮劫

兩證因非蓮生時人贈蓮花殤時亦然豈再來之識耶蕭蕭碧樹秋窗夜錦

帽金環著眼歸

書懷

幸餘求定稿

卷七

六

曠光爍塵土片雲落疏陰微風出其際因之清我心長
安遊俠窟雜遯忘山林久處困人意如何發高吟偶然
得懷抱惟聽僧窗禽時復一杯酒遙遙無賞音方來正
方去墮地卽如今歲月矧不與膏火徒爲侵飄茵信靡
定香風變所任獨念沒世者聖訓抑何深

都中七夕

暝風斷雨天韻媚洞碧銜雲一綫曳樹頭弓月送纖光
清氣一庭動人意幻視功名詎道芽我行非客亦非家
試看祈巧紛兒女天半黃姑自在斜

秋雨

茶麩煮酒餞孤征丹桂花開尚帝京欲把升沈問司馬
長安秋雨少人行

夜坐

山椒有聲走林樾餘響入窗動毛髮罷書出聽千巖秋
一笑客館忘修越星河寂歷良抱深庭桂躑躅妙香發
樓臺何處不高寒空碧無人挂孤月

小泉出示潼關見憶之作次韻酬之

昨歲知君出玉關計時萬里傳車還天山風土歸新咏
人海霜華識舊顏楊柳尚思驄錦別櫻桃待醉鹿茸閒
絃歌藥榜都常事莫漫相憐兩鬢班

幸餘求定稿

卷七

七

疊韻再贈小泉

把憂湘怨久相關酒底情深憶往還祇有英才能好事
絕無傲骨肯低顏心懸珠斗杓璇上夢入金微鼓角閒
請劍繫纓終盛世未須窮鳥托班班
通道行將廢玉關勞勞何去更何還如君自具封侯骨
顧我能開痛飲顏東海波光搖日下西山黛色冷人閒
年來萬感攫身世便擬攜荆逐地班

小泉屬題推枰返轡二圖圖爲感悼西林將軍英

翰而作

國勢思飛將奇才倚孟嘗射雕棋變局買駿地殊方漠

氣乾坤白河聲日月黃如何柯爛後賭豎悵斜陽
萬里天山道將軍故壘存玉關來日樹珠匣去時幡攬
轡茹新痛披圖感舊恩平生亦有淚捲軸憶湘源

龍爪槐登覺羅炳咸小樓

竟歲閒門掩尋秋得暫過地偏浮碧遠樓敞受青多調
古琴懸壁人稀砌長莎登臨動鄉思江上有卷阿

夜坐有懷

衆籟未搖落此心方寂寥閒庭涼意滿遙思起漁樵夜
色海生月秋情風過簫素衣無恙在漚澗幾能消

漫興

幸餘求定稿

卷七

八

坐聽殘鴉語暮林閒齋客思爲誰深遠遊茶菴懷甜水
經亂詩篇足苦音海上碑成空把筆山中調絕久雖琴
如何十載狂奴態也動星文傍斗參

九衢駟馬集神京人海崢嶸半俊英濟世才華寬小節
近衰言論絀虛名燕山六月秋先至絕塞三年草不生
爲憶富民曾製爵我皇應賜李西平

宦意歸心兩未降蕭然一榻對花缸涼風徐墜夜深葉
落月斜明雨後窗久客黃花生古塞入秋紫蟹憶吳江
都盧曹掾爭呈技慙媿街前十丈幢

留別月樵通伯

朔酒不成醉浩然悲滿懷高秋生砌碣幽夢墮江淮鸞
鳳聲新譜麝麝侶舊譜不須重惜別吾道已安排

代耕以詩送行次韻酬之

秋氣日在戶倏然生別離交情經客密天意入秋知桂
樹山前路楓江畫裏詩莫驚輕振策已與杏花期
萬化半寥泐逢秋發興同早霜征鴈月澹日晚鴉風清
世遇多難滄洲道未窮何由商去住深自媿龐公
千古文章事吾家五百年求珠傾巨海觀玉辨陳篇以
我椎輪質望君薪火傳黃梅宗法在南北好依賢

早年曾解印小著野人家春寺鐘搖月秋山樹醉霞鶴

幸餘求定稿

卷七

九

傳華表語蟾放廣寒花此意未牢落何須怨鬢華

出都

久客怨無事一鞭辭國門羣駝鳴曠野一隼下晴原宦
興轅駒倦歸心社燕翻家人憶前約早晚到山樊

夜發黃村

城頭戍鼓近殘更月黑天高玉斗橫暗徑野駝鳴鐸過
遠村深樹見燈明中原何日東方旦世路難期蜀道平
見說燕南秋潦盛正傷菽菽沒官程

月夜道中書事

刈黍東田隈汗邪載滿車四牛曳不前推挽以婦孺旣

獲忘苦辛邪許亦懽娛日落柴門昏澹月照鎌鋤停櫂
偶長望鞦韆車滿途伸指笑吾曹入夜猶馳驅

曉過趙北口

朝暾遙挂捕魚帆白露橫空柳外含十二橋欄凭欲徧
蒹葭秋水是江南

八月十三日早發卽事書懷

深心殷國事夜起望秋天斗杓正西指羣宿依其躔初
日出東海雲霞麗其先妖星吐光芒遙指西南偏

天子明聖姿國柄夔龍專如何患貧寡萬方同一歎金
錢曜外強債張益中乾泄沓亂生忽饑渴戎伏原訃謨

幸餘求定稿

卷七

十

自公者無乃衣裳顛露晞嶺頭草日照疏林根天道自
古遠攬轡搖吾鞭

平原中秋

黨錮胡塵兩難問一杯邀月且縱橫青天未必如人醉
白髮從渠向客生歧路風光驚火戲三條官燭憶文成
男兒身手能無恙去住何勞太息聲

時兩兒應南闈試
一子婿應京兆試

李家莊

園場秋色深梨柿霜前綺行人稍稍稀遠鐘悠悠起落
日照青山疏林見行李人馬散沙墟遙遙三五里

齊河待渡

待渡齊河郭連天濁浪翻峻聲吞海岱積氣走乾坤水
閣帆橋隱風高馬色昏八支真禹迹莫漫問淇園

望泰山作歌

三過泰山棄不登山靈笑我如癡蠅朝來青氣壓馬似
相召口商目往心自塵忽然一夕大風雨清興斷絕張
車鑿天明悔起亟回首蒼黯千里雲萬層倏忽風雨鬼
神會遼遼陰陽向背乘有如將軍威重天轡緩玉帛輻
輳帝德疑自緣體峻支麓遠氣勢直壓嵩華恆惜我濟
勝空有具盪胷決背揮雙肱撫軫冥想天下小九點豈
止齊州稱若使置身絕頂望日月定是老仙對奕一局

幸餘求定稿

卷七

十一

兩子手中承南轅三日坐太息正如凡士欲言聖門嗟
難能吾聞膚寸作霖雨偶此真見膚雲蒸方今薄海旱
澇屢偏降神功毋乃職未勝何當茲山盡爲主發斂萬
國萬岳奉令如孫曾吾卽老死不登四觀亦何憎

泰安感事寄稷輔侍御

江茅鄙黍罷封祠肝紙爭絨骨髓辭闕下未歸權萬紀
田閒空復趙光奇當鑑犢鼻經災歇閉戶龍宮代雨遲
聞道天閭今四闢莫嫌封事說幽詩

沂州聞鴈

春時送爾皖江頭海畔相逢又早秋同是江湖南去路

一天涼月過沂州

飲馬

發鞍燕趙疆飲馬淮沂道井枯泉不生甕底渾亦好甕
渾縵可汲泉枯甕空抱江介喪亂來百種迭早潦王稅
盡脂膏天意迫路天田廬日以蕪誓欲他鄉老他鄉詎
可老薄海同浩浩投錢驅馬去吾行亦草草

同存之登北顧山甘露寺訪源攜酒留飲

故人離別久勝地忽相逢罷權尋頽寺銜杯聽暮鐘雲
帆出瓜步海日見吳淞共憶蕭公顧斯人不可從

盛世英雄少江山霸氣多北遷基白鴈南渡兆蒼鶯往

幸餘求定稿

卷七

十二

事驚灰劫清懽付權歌高高看鐵甕長劍一摩挲

大觀亭懷小泉

小泉久客隴外昨應
京兆試遇于京師

大觀亭前秋水遠罷橈直上看疊巘落日萬里意蒼茫
天末懷人歲將晚蕭條墓草當秋衰情來忽爲古人悲
古人已矣不可見來者何人更有墮淚碑皖江歸客塵
未掃孤筇不敵朋遊好雖有江郭比嚴郭終采芙蓉思
遠道遠道迢迢不可思疇昔扁舟夢見之座上清歌李
袞曲旗亭畫壁玉關詩酒酣起舞聲變轉猶似伊涼馬
上時迷離更聽唐衢哭菱歌夢斷風正熟回首天涯路
二千對策文應動當軸此際聲華被九州向來意氣傾

王侯科目貧兒矜傲請名業憑將萬古收請看斯地斯
人亦正優沙頭蕭蕭落鴻鴈數盡曾無一書綰吁嗟呼
得意燕山朔雪溫無情涓水春花幻

老鸛嘴阻雨

客程二千里晴日送高秋忽喜鄉園近翻生風雨愁山

雲藏寺閣瀾水受泉流莫怪村醪薄斯人正可憂

比年
雲亭

屢見今年皖南北及浙江江西四川同日蛟涖並發淹
斃民人數千衝舟潛山城垣十餘丈壞公私廬舍不可
勝

雨後挂車河大風甚寒

山氣冷催霜朝侵客子裳遙知風入戶花幔下高堂秋

幸餘求定稿

卷七

十三

色重陽近寒衣九月裝清懽應未遠眉宇看先黃

谿漲

坐覺風雷滿萬山泉入谿開門橋秀失高樹浪花齊雞
犬雲中寂乾坤雨外低誰憑一簣力獨障海瀾西

鳥語

竹籬生微明夢枕得鳥語山氣未逢春啁哳來何許潛
風亂天經流化奪秋緒荷鋤東岡下牛喘卧平楚丙魏
不在朝何人肯問汝雨鳴潭上林鐘動前山杵物象時
警人獨對雲峯仨

兒輩買菊供

大母之歡兼待余歸戲爲詠之

慙媿東軒笑傲身冷香爲洗 帝京塵林園夕露餐英

徑籬落西風送酒人漫許賞心專九日豈將花事讓三

春庭闌莫恐繁霜重已結寒梅歲晚因

庭梅時已含苞

立冬日遣興

秋色看徐盡山寒斂夕曛陰厓宵見雪高嶂早多雲文
史開詩業雞豚策歲勳呼兒理梅徑花發好相聞

雪後飯山家

高嶂初晴雪尚明塵衣又入翠微行青山背日移寒影
綠竹驚風坼凍聲囊粟已無臣朔飽酒狂豈獨欠公醒
漫將潭水論懷抱深淺何人似此情

幸餘求定稿

卷七

十四

贈陸厚甫巡檢

七年蓮幕舊知名邂逅華筵聽政聲鵲岸逋爭談笑散
龍舒公事咏哦成銅盤北宅酬良會

趣園主人招飲器皿極佳銀盞

西風送落英王儉已歸庾杲老爲君長憶皖江城

舊聞君名

於琴西廉訪今廉訪已引疾歸瑞安

贈劉子清

七十歸來卻杖行看花爭喜小車聲坐思少日雞豚會
欲結忘年鷗鷺盟紫蟹黃花能健飲青山紅樹得同情
相逢正悔從君晚慙媿春塵走

南京時方謀起官

暮行東郊

日黃猶未落衆山生夕霏不知城郭遠漸覺煙樹微老
特時一鳴漁樵三五歸卽事感桔槔慨焉思息機

幸餘求定稿

卷七

十五

男永楷同校
女倚雲

幸餘求定稿八

三芝菴雪

高山兩日風吹雨作飛雪霧合咫尺昏但聞松竹折雲
散戶牖開玉笏萬峯列附火目畏煙枯坐脛如鐵重裘
雲外輕美酒風中劣只疑近天處素冷與世別遐抱念
人寰檢歷望春節

雪晴

重衾人勁氣凍瓶時有聲雪光奪曙色忽覺虛窗晴萬
凍射朝日木石皆晶明冰殘漏壑碧松暖滴餘清遙知
前山下白屋開柴荆天公有至愛伸蟄皆生成

幸餘求定稿

卷八

酬寒人村西散步

自出京華返玉鞭幽居宵晝得清緣半輪海月搖春霧
一髮晴雲定午天此日披衣乘雨後往時種柳認風前
尋花莫起韶光感透看衰榮已十年

附寒人原詩

平蕪綠上白雲巔春草春花又一年感慨浮生多少事
昨宵有夢過前川

二毛

偶爲幽居惜二毛青春又見去滔滔一峯挂瀑天垂練
疊嶂橫雲海濺濤坐對時光觀物化安排吾道問天高

谷駒不繫王孫住芳草留人自滿皋

得喜

夕風吹澗桃山氣霽亭皋月當春冷谿聲入夜高遊
筇怡母老遠道念兒曹忽報芹宮喜張燈散鬱陶

雨過

雨過輕雷曳薄寒柴扉倚杖對林端水雲下上交生韻
爽映山光綠可餐

柳花

弱柳垂垂花滿津無端生事感芳晨亭橋晴午方攜屐
欄檻東風欲送春此樹定同宣武老三眠誰識漢官人

幸餘求定稿

卷八

二

獨憐薄命吟飛絮漫結千雲蔽日因
婦亡十年三子皆備學弟子員不及

見

棗孫醉盤取高足酒杯或以爲寓意俎豆或以爲
酒徒也戲詠一篇解之

束髮讀書史慨然念唐虞歷世不我偶翻憶醉鄉居醉
鄉不千里斗室有通途恩怨胥井寂動植寥天虛揖讓
不知貴于何辨征誅卧形無何里棲神太古初光天霽
和景萬化春風舒懷此長子孫頗慕愚公愚嗣宗倡慎
術無功解形拘繁女眇嬰孩胎意弄杯盃高韻養生主
風味逃禪俱將毋契予理與世爲隆污

仙姑菴同寒人

往時冠蓋早還家相倚名園繞郭斜登閣秋山明夕照
閉門花塢鎖朝霞百年舊事山陽笛一曲清愁塞上笳
何意攜筇仙井畔煮茗雨外對桑麻

掩關

城市歸來獨掩關庭花未落且盤桓乍晴溼霧經宵合
久雨深山入夏寒一水抱田喧樹外數峯銜日挂雲端
人間不少清都樂底事頭皮斷送官

寄端生重慶

一別巴渝望渺然歲經四十路三千山懸雪嶺疑無地
幸餘求定稿

卷八

三

江過雲陽欲上天荆土豈堪王粲老洛城曾得茂先憐
故人若問當時侶席帽椽鞋不記年

久雨初晴新月出嶺徘徊門外得二十字

空山積雨斷清月吐東嶺時有獨歸人隔谿踏林影

晴坐

谷底春歸花尚飛雲深晴坐翠沾衣幽居不紀年深淺
手種垂楊近一圍

聞光子芬還鄉舊居尚存一椽憶壬子會食松亭
所至今三十年矣以詩寄之

靈憲奇書不可聞人間天上總離羣銀牀尚汲齋前練

玉軸空滋谷口芸樹裏村田初見水嶺頭寺閣半埋雲
緜峯近報歸笙鶴蠟屐登山幾望君

賞雨憶毅菴兼寄寒人

幽舍逃人好陰晴總不羣村田牛背雨鐘澗虎谿雲野
氣千峯失飛泉萬壑分遙知子桑病裏飯遲相聞

新晴

晨色奏新晴山家淑景生折松時礙燕深柳易留鶯石
氣參天潤谿流繞舍清萬方鋤笠動應見久昇平

枕上憶毅菴子芬及寒人皆固窮君子也吾鄉今
時不可多得頗思擇佳處對飲痛談以詩先之

幸餘求定稿

卷八

四

橫山碧沁松湖水一櫂漁歌入窗裏幽人十日突無煙

儀宋堂前卧不起毅菴所居君家昔枕龍眠青蒼舊追隨見

典型眼中劫火意中事流風曙色銜晨星龍眠有人與
時背迹闕心親通警效哦媚孤鶴橫江來傲骨饑腸一
笑在醉鄉有土豈真窮尊酒不與黃金空安成舊尹餘
頭白請開大甕爲莫逆

苦雨行

祝融夙駕催春去風雨橫空日失馭神鼇擺碾海波翻
羣龍四走歸無處計從寒食著屐遊未得一旬看晴絮
偶然風急斗插檐倏忽晦冥雷驚箸倚山苔蘚屋壁昏

近水蟲蛇牀下踞穿林簑笠牛背晚浮空沙石魚梁曙
時開篷戶趁小霽老農仰天愁相語四月清槐打麥場
草深滑滑成沮洳二麥生芽鎌挂壁狼籍木棉與薯蕷
亦知天意不憐人聊爲生涯一綫說方今聖人重機巧
鬼工電氣同磨鑪諸公何不乘日車制器撥雲草章疏
坐令六合盡揚光不遣咨嗟動黎庶嗚呼安得不遣咨
嗟動黎庶

題風雨歸舟圖十年前畫士戴雲爲予作

我昔讀騷愛漁父張燈高詠聲動戶有心忘世各稱才
豈必胼胝似神禹三閭久沈楚水空簑笠何人在江滸
幸餘求定稿

卷八

五

江月春飛薜荔風湖雲秋送瀟湘雨少年壯志箭在弩
蕩蕩扁舟去鄉土紅蓼江南黃葉村碧雞錦水清霜樹
祇今憔悴江潭路深淺無人詠孰苦皖山畫士文水陰
作圖贈我開我心偶然對此一回首始覺當時君意深
匡高樹古氣樛樛柴門靜掩無車音老翁一櫂歸何處
風雨彌天不可尋

寄懷椒岑

桂林山水天下奇雲起斗落非常規有如俠士抱壯骨
崛突不受凡塵羈材大世窄無用處一麾乃以投荒陲
誰言楚南但多石此境顧與君相宜我昔滌江聽鼓鼙

泣望蒼梧淚長揮散亡奔走三十載歸守馬鬣東岡坡
與君望衡如隔離主人遠出巢燕飛稻梁菰米飢驅去
迴鴈峯南更不回近聞交州鼓角悲詔開大帳珠江湄
崑崙不待元夜奪疏勒那許車師欺自古明王四夷守
大創以後方羈縻凌煙閣上無衛霍蒼鵝豈到太康時
鬱林江風響銅鼓昭潭山雨溼珠旗兩家老輩辛苦地
撫今感事驚心脾舊時幕府兩男子意氣挫盡餘鬚眉
君不歸來我欲去久判冷落山頭芝燕遊可能歐在洛
論兵或類韓依裴莫惜在遠見輕疑重華猶得近陳詞
昨來烹鯉君家池邕管又伏當年危布帆約俟秋風吹
幸餘求定稿

卷八

六

正開山桂黃雞肥谿堂痛飲談西垂

癸未午日

去年午日過獻縣白日驚風塵滿面土屋榴花隔樹紅
望門人馬同疲倦光景流連冬歷春故山蒲艾復驚人
雲邊細雨山街霽扇底微風水縐鱗行止在天誰可料
方朔侏儒同一笑瓜菽滿園米在囊籜年况是有常調
君不見滄江千里競蛟龍憔悴當年無地容子雲迂腐
不解事欲返離騷徒爲工吾行不歸將安從

雨中閱耕

煙峯斂晴田水起匳鏡乍開鋪地綺氣疏細雨澹澹山

歌聲互曼谿聲裏老嫗呼飯秧漸勻扶犁叱犢三五人
清景動興立自久妙手圖畫無此真驚下無心亦相對
人言更上羲皇代久居心與境偕忘那復仙凡動憎愛
妙境從來不可能維摩飯色隨減增江南不少此中語
何必扶舟向武陵

垂柳

倚窗垂柳手自栽婆娑偶待山鶯來日長無人風影碎
好友乍到清尊開人生樂事邂逅耳十二萬年祇如是
君不見平泉詩石自春風秦望陂田起秋水

通伯自都中歸視予山中旣去卻寄長句

幸餘求定稿

卷八

七

勁草拒飄風孤松秀峻麓男兒非女蘿何能附喬木時
來受詔紫極宮天地澄清獨立中一身已作苞桑繫百
世猶師盡瘁風不然養拙千谷底蒼狗白雲無愠喜網
緼野馬還太虛萬古無生亦無死世間孔道惟兩途內
斷當如瓜在齒安能往來俯仰如桔槔輪角蹠方猶不
止君不見晉時秀孝到卽除事定一斤空天衢又不見
將軍告身賤如草壚頭換酒纔一飽漢廷國是那可倫
孔光張禹皆能臣况今科目澄流品雉集麀興總國楨
汝從天上來清風暫擅翮且承堂上權又得理書籍春
來幾次到江魚知我身肥屋常瘠只今相問寒巖三十

里深意吾能感精魄澗松青洞雲白空山倒影半谿碧
舍南舍北起田歌阿母坐聽忘日夕殺雞爲黍三日留
知爾無言心已釋

大雨

層雲黯黯起千嶂八月濤頭無其壯雷聲猶似百里外
風定人如鮓在盍石根一髮雲當門四合滂沱坑谷漲
風吹雨打不可開縷縷曾無一綫讓但覺眼前足底盡
翁合莫辨人間與天上正恐六鼇不肯戴三山尾闕上
下隨波浪又疑茅龍迎我拔宅升雞犬天邊互酬唱妄
念紛乘未刹那一雷喝破神明障須臾雲散碧天高金

幸餘求定稿

卷八

八

鏡穿林斜日亮去年蛟龍橫濤霍谿流勢與江河抗遂
沈城郭及人廬巴郢晚越悲同况深宮脂粉罷貢錢
經制封樁轉官舫猶聞人煙千里決成河生者不返死
者沙中葬吾廬今日喜安然手扶白髮凭窗望門前擺
榼十頃田東雨西晴頻較量世事天心那可知只應火
裏蓮花放况今獨荷皇天慈水木星河森妙狀黃昏又
送遠山雷雲罇青天見角亢

雨霽

空山日午急雨退飛電遙遙挂峯背餘陰將日照谿雲
綠暈籠山生野態雲光倒映入軒窗室中忽有青天生

移牀曠望動高興古木殘暉蒸晚焙如逢佳士人意消
鎮日無言喜相對煙霞非疾若固有人事何常裘葛代
不教霖雨惱幽人清景甯嫌日一再

山齋夜起

人語四絕窗含光夜起開戶山蒼涼星河捲盡碧無際
祇有孤月懸中央興來獨往坐潭石過清之境宜仙藏
樹影在地如刻畫微風不起谿煙長細泉轉石響琴筑
定水浮魚唼落香誰言過眼但須臾鯤鬣蚊睫齊彭殤
只虞邂逅不知惜交臂一失無由償嗔然一嘯風琅琅
半斜樓影月在梁是歸是寄澹相忘金翅劈海白東方
幸餘求定稿

卷八

九

題張僊圖

手彈腰弧說忽張人災鬼難互滄桑可憐紫陌癡兒女
不識成都張四郎

村夏雜興

舍南村樹黑雲封小雨暗暗起暮春一陣西風吹不散
又含殘點過東峯

篔簹近午出山扉拾得城西畫稿歸嶺樹橫雲人獨往
水田微雨鷺雙飛

不爲傳名琢句奇偶逢清景興來時耽吟正使非餘事
平世無能也自宜

小醉徐醒漏向寅
荒雞隱約隔東鄰
尋聲欲踏松陰去
山口剛銜月半輪

巖色徐開石路明
道人獨坐對雲橫
曉風殘月無情思
自愛晨光萬斛清

千尺筠竿一丈鉤
釣鼇長憶海東頭
一時收起絲綸手
坐看谿雲漸近秋

久雨深山氣易涼
袂衣當夏授高堂
老人翻起憐孫意
坐數歸樵渡石梁

時樵入城將歸

山味隨宜自在清
不須作意慕前名
斜川玉糝甯奇特
試看吾兒葉蓀羹

幸餘求定稿

卷八

十

十載歸來養谷神
盃簪不記往時人
一杯造酌讓西客
書斷方知我貴真

相依谷底甘貧困
把酒花間喜獨醒
若使此君坐寒死
定慙南海墓前銘

謂寒人

芰草流霞不可窮
亂真幾輩古強同
兒曹糞土輕胡廣
遮莫知人勝乃翁

某若著述頗富

誰從頂上灌醍醐
釣盡清波未是殊
我有阿耨三種法
不忘貧到並椎無

山風未暑谷雲消
午夢杳如江水遙
忽遇故人林際立

手攜松子滿詩瓢

偶夢穀菴

兩餐果腹雙弓米頃刻全忘三雅杯飽坐柴門看月上
碧雲無際有誰來

偶念堂前春草暉乘時聊爾進征騑海風漫引雲帆去
秋水芙蓉澹蕩歸

書懷

糧具舟車五十秋西南東北兩無儔醉鄉渺渺逢江鶴
陳迹團團笑磨牛縱使夢醒瓢扇底何嘗琴悟海山頭
種松已老他生幻一把黃茅豈是休

急雨示概

西峯飛急雨南澗斂秋熱灑苗色懷新沃樹光生潔澄
幸餘求定稿

卷八

十一

潭起澎湃澗谷瀉清冽稍稍雷轉空隱隱電遙掣陰陽
自屈信豈關農愠悅小人計其功君子安素節晚來山
氣涼谿韻綠可捏意深遭淺樂逢時聊自竊斜照亦何
心坐與雲生滅

初秋枕上作

一室冷泠秋氣清鑪香篆盡夢難成山蕉夜響知風起
竹露斜明驗月生半世觀空無住相萬方至聽有殊情
鼉龍暖鶴真同感不必黃州鼓角聲

午醒

松風忽入窗斷我藤牀夢不知身何許但覺失雲鳳人

語四山寂清響一蟬送試問據梧者周蝶誰伯仲

雨中讀書

遙雲忽濤起飛雨入空山
流風掩卷過舉首一欣然
午光晦林麓生意變當門
竹陰壓几案雲絮穿窗軒
雨坐不知晚雲月耀孤天
聲光所震蕩倏匪意所存
無象用誰後有迹體誰先
冥默觀化理會心俯仰間
乃知陶公琴深趣不在絃
糟粕邈矣夫千載梯不傳

某君贈兒輩文集題其後

山齋寂歷似安禪磐石隨宜得小穿
亭竹晚風成遠籟澗花朝日共清妍
闔棺定有誅心論諛墓誰非潤筆傳

幸餘求定稿

卷八

十一

發德誅奸吾事在待將巨眼勘青編

病起夜坐

茫茫大塊偶淹留歲月婆娑一壑幽
病起追涼還怯露山深不雨亦成秋
玉螿唧唧聞天籟銀漢垂垂入地流
槃澗夜空微念定坐看殘月上峯頭

熱甚

松露重如流空山暑未收疾風難解熱
連雨不成秋葉脫猶追蔭宵涼尚倚樓
只餘瓜蔓外蟲語自清愁

秋坐

野田鈴上柝初聞掩卷開門坐夜分
露重有聲微似雨

山高秋氣欲成雲，社前已送鴛梁燕。暑後猶飛豹脚蚊，漫見清風吹月上松間。斜照碧潭紋。

中秋夜坐

碧漢秋雲散空山，桂影斜不知今夜月寒照爲誰家。宵來潭上雨，今向峯頭散。飛鏡出微茫，宛然天下旦。醉逐清光去，乘舟訪故人。天風忽吹醒，賀老已成塵。誰道愁如月，寒光掃不開。醉鄉有天地，良夜與徘徊。

秋興

瓊雲百丈下茅堂，坐對青燈長夜涼。榭葉風聲疑帶雨，菊花天氣欲成霜。十年充隱雲三徑，千里懷人水一方。

辛餘求定稿

卷八

十三

歲事漸闌華髮短，共誰繞指問柔鋼。

薊門見說怨滂沱，玉宇秋光近若何。瓊島曙雲猶捧日，瀛臺夜月自沈波。正憐名族忠貞貴，大好平章解事多。玉露彫傷楓柏冷，山林廊廟憶蹉跎。

碧雞金馬自天開，吳舶黔賚萬里來。鐵索有橋通佛國，金沙無水洗滇灰。艱難表疏思雄畧，險峻江山養異才。回首昔年觴詠地，卧龍躍馬不勝哀。

閩江山直惠安橋，海氣天風萬里遙。漳島南窺珠浦月，仙霞東瞰浙江潮。煙含碧葉檳榔碎，雨過黃梅荔子嬌。寂寞釣龍臺畔路，吟魂廿載倩誰招。

彭蠡寒波九派生
西山南浦灌嬰城
斗牛氣已天中散
龍虎山猶鳥外橫
秔稻連雲思孺子
菜瓜含雨憶雲卿
撫時感事兼今昔
冷澹韶華又幾更

三吳雲物冠南垂
麋鹿臺空舊俗移
靈藥不辭師子遠
角釵爭炫日林奇
玉簫金管荒鹽市
錦纜牙檣罷漕司
太息海陵諸父老
翠華十見到江淮

巴西江接海東頭
關市旌旗曉素秋
經制有錢軍用拓
勸農無使主恩優
茅檐歲困輸黃犢
賈客春稀敝黑裘
永憶開元全盛事
長安直北令人愁

我朝絕漠三千里
恰克烏梁大帳開
霜黑寒門通虎節
幸餘求定稿

卷八

十四

日黃碎葉進龍媒
繡傳東海連西海
星拱中台接上台
誰料北庭南牧馬
只今宵旰望邊才

黑水南迴若木東
煌煌大業憶高宗
葵通西旅頻書卻
雉貢成周譯不重
碧海浮槎丹詔去
黃金鑄册紫泥封
豈知此日爭蠻觸
一例羈縻大度容

憶上狼山百尺樓
醉凭危檻望神州
宮中弋絀悲精衛
閣下絲綸狎海鷗
壯士不青俗客眼
書生空白少年頭
洛陽豈少徐文遠
碧水丹楓獨送秋

寒人七十生日置酒壽之

山水清音喜共聞
誰能七十健如君
菊籬幸有杯中酒

板屋空多嶺上雲平日笑談徵衲被秋來貧業見書裙
吾廬此日陳釘飯沈醉休嫌到夜分

冬日親友集宴

瀟岳蟠東麓皖江鎖北陲歲時風雪近天地薜蘿宜潭
古龍藏久林深鳥出遲親朋懽宴處獨坐一凝思

晚菊

萬壑看搖落空庭晚菊親霜深方見豔香冷不隨人撫
鏡簪花髮藏身漉酒巾歲寒誰到此籬外老農鄰

喜椒岑歸里小集山齋

吟愁消久客意氣減衰年歲暮江湖上知君不受憐菊

幸餘求定稿

卷八

十五

天橫塞鴈風夜走山泉罷酒默相對眞歸恐未然

老僧言山寺最高處贈之

古寺出天中寒雲竟日封龍舒散曉梵瀟岳聞疏鐘霞
色一千里夕陽無數峯老僧年八十攜杖下芙蓉

枯坐懷仲武

枯坐聽風急開門雪未沈寒空朝日澹野氣夜霜深邱
壑行藏事乾坤老大心有懷何處吐定向廣陵尋

幸餘求定稿九

甲申元日試筆

十載栖遲倏電光諸孫容易欲成行獻觴幸有閒居樂
操紙誰知秋興長山雪添寒侵草閣谿風飛響過林塘
萬方消息猶多難試把春盤子細嘗

飛花

燕子歸遲柳待鶯空庭過雨午初晴一池風定鋪萍綠
著片飛花便有情

誰家

暗綠飛紅到杏枝山村風味筍肥遲桃花如錦誰家苑
幸餘求定稿

卷九

管領春光得幾時

踟躕

雜花戀暈飛還住細雨含晴有似無正是江南風景日
亂山寂寂獨踟躕

燕來

燕子歸來社已過風風雨雨奈愁何不知上苑花如錦
未送春時落幾多

寒人有海棠詩戲和之

無邊紅紫殿春天山苑風光次第妍莫道海棠都睡足
一般穠豔鬪芳年

三月十二日雪

憶辭閩嶠下餘千夜雪扁舟閣淺灘二十五年又新火
數峯天際挂春寒

兩宿芮氏

平原忽風雨小住喜田家雨合鳴蒲葉風行落杏花呼
兒乞鄰酒問婦出巖茶明日城南道秧歌逐客車

天甯莊訪仲勉不遇

閒門深閉草萋萋空返篋興問路蹊鏡裏耕芸催布穀
車前早晏聽荒雞劫過老屋無喬木河徙殘塍有斷隄
聞道蹇驢每乘輿嶺雲谿月絆歸蹠

幸餘求定稿

卷九

二

櫻桃酬寒人

政喜梅開百卉前櫻桃又熟晚春天恰如座上拈花法
一笑惟君得果先

遣意

清谿迴繞亂山流一角斜暉挂樹頭玉版筍肥梅子夏
黃雲麥似稻田秋近來酒興潮生海昨夜詩情月滿樓
空谷栖遲正相稱豈須吾道說滄洲

麥飯

南風開曙色微雨來峯頭農家率婦子刈麥清谿阪黃
雲捲地起茅屋須臾秋悠悠檐際煙沸沸釜中麩新炊

雜舊粟贈我雙盈甌先人昔貧居麥飯發清謳根深枝
葉茂今服猶前疇舉手謝農人柴門閉餘幽縱橫案上
書子母隴上牛深慨無端來對此慙耨耰

老嫗

南風吹細雨茅屋生微寒刈麥谿水頭老嫗衣裳單四
鄰盡燒畚秧水或漫漫回首望諸孫拾薪千仞山中婦
出柴門瓦缶炊野菅借問大男兒負米方未還

卽事

一夜眠無夢微涼上枕多曉來雲在樹知有雨曾過
深煙出人語樵子峯頭下初日忽穿林乃知采藥者

幸餘求定稿

卷九

三

漲消谿水清潭石見分明時有珍禽下窺魚相和鳴
櫻桃一樹紅山禽鳴下上開戶了不驚時聞啄果響

枕上聞水聲有作

老我相宜絕島中雲濤無際入天空如何海上成連去
獨聽荒山水與風

曉起題壁

空谷幽居好高懷共不羣門迎千丈瀑窗納萬峯雲昔
有歇菴主長留巖下墳遙遙三十載寂寞不相聞

歇菴方植

之先生
晚號

送王剛叔之山陰任

蛙吹千峯雨鶯聲四月春憑將三楚澤寄與若耶人
山陰路二千日日停雲起後會果有時應似谿頭水

雨後

雨後晴開一角明谿光萬斛助山清晚來不上柴門鎖
爲待詩人月下

寄劉彥之

人意山同好清光百斛多深情似潭雨更向夏中過
宵雨歇空山竟日翠如滴時憶嶺頭人閒庭掩深夕

次韻陶慎齋見贈

誰謂青天高將以長繩量誰謂天路遠將以雙足上
龜幸餘求定稿卷九

四

龜二十年每飯不忘君常疑笙鶴處祇在月與雲雲月
殊恂恍君言意無竭豈惟猶在耳我心久蘊結武功山
徒高挂車水空奇十二萬年間那得如我思

次韻王子英酬寒人

迴絕詩情世孰如雨過石氣入晴初因君憶得匡山勝
奇拔離人不可廬

答客

三十年間欲問津徧行湖海賸吟身歸來築得谿頭屋
萬石參天絕少人

結得詩壇傍故山飛天仙每下人間柴門竟歲無車馬

只爲聯吟自啓關

喜子英至

閒門露猶溼空翠照山村忽喜故人至時聽農語喧檐
禽爭夏果渠水出雲根坐問杯中趣將母中聖論

遊媚筆泉

春山芳序更訪勝借泉名石磴抱雲上澗櫻含雨生昔
人久不見竹日空相迎試問泠泠水爲誰巖下清

別峯菴

古徑背谿入危岑聳碧梯到門孤殿迴捲幔萬峯低僧
少經新亂碑殘失故題誰將前哲意一爲借金鏡

幸餘求定稿

卷九

五

送李超父之任

玉殿傳鸞詔金庭卸氅衣雲霄一羽迴河海萬流歸君司
河務遂使論交地長憐長者稀乘槎果通漢歲歲問支機

欲雨

不辨風聲與水聲雲頭萬朵壓山橫門前十畝新秧色
便辦銀河一夜傾

雨後偶成

晴林泣新雨山氣成清輝坐聞百鳥聲時一開荆扉落
日倒山影綠我身上衣茅屋無人過閒煞白雲飛明月
破煙出樹杪猶微微傳聞剪刀峯髣髴此清機

讀書倦就枕空谷忘更籌滅鐙室自白孤月破羣幽山
田足新雨宵耕發遠謳呼兒挂南窗秧水何泱泱萬物
各勤生吾心復何求

戲贈偷兒

我生寡所營遊戲偶爲縣十載歸去來長物惟書卷得
廬山水區清景有餘羨囊篋收雲霞日納不知倦蟬窗
贈秋吟鶯戶滿春嘯高咏無商聲舉家樂清宴吾聞高
明家神鬼瞰庭院况當歲事薄哀益理可援又聞肤篋
公智以擔囊便明月夜不收清風夏正扇三徑儻可攜
願與青氍薦

辛餘求定稿

卷九

六

甲申午日火發以救免作詩紀之

燁燁焮焮響牆東隔窗一綫光熊熊烈風南來煙旋轉
火勢上燭天雲紅拋書出戶正四顧茅檐距火一尺容
諸兒掉冠復大叫手舉烈燄投田中盆漿盞水雜亂灑
摧拉婦孺及保傭沿村閉戶賞佳節頓足呼佛鄰家翁
須臾風反火亦滅巡檐繞屋無焦桐朝來雙鶴橫長空
清唳似與人意通更看案酒灑窗壁遠嘖無乃煩樂公
坐思淵明歸遇火歲申正夏偶與同默抱孤懷叩天意
知求道足須更窮我今林室得幸免翻教受賀慙書筒
嗚呼高堂且喜無驚恐艾葉榴花自在供焦頭曲突同

爲雄火速添酒澆前功

大雨中讀朱子詩偶成二絕

南山雲出北山雨行到中天會合來一白漸收谿漲起
坐看殘絮岫邊回

誰識天工有大機油然一雨漑千陂若教漢上論機事
應悔山園抱甕時

讀書

讀書在深谷心與山雲長春花復秋葉開落成文章花
葉兩不知人意亦相忘水田遇新霽倒景生微光徘徊
谿水源日夜聲琅琅且還讀吾書餘妍滿空堂

幸餘求定稿

卷九

七

道光戊申侍宦歸舟過巴江夢石柱秦夫人舉吳
梅村綏寇紀略所載不實事言閒忠義之氣猶懍
懍也適友人談遺事遂追成二律

夫人昔在黔彭日自許青天隻手擎氣並蜀山高不動
心盟江水遠同清十年遺恨爭巫峽一劍寒光接帝京
聞道寶刀曾斷袖至今猶似怒濤聲

讀史誰憐執簡才秦人蜀老不勝哀是非雲雨高唐去
恩怨芙蓉洛水來豈有千尋桐可折枉教五色筆端開
平生忠義分明在永夜何勞思不裁

偶成

容膝茅齋一丈深，漫天塵土動相侵。
何當枯木寒巖裏，安得山僧斷臂心。

共說蓮花火裏開，一燈明滅更難裁。
挂車山下午如虎，牧得肥時出草來。

喜筱塢至

一放淮陰載酒舟，二年空谷不勝愁。
千村碧樹行將晚，幾點青山尚未秋。
著屐忽臨三畝宅，把杯還憶小滄洲。
淮安劇飲之所故鄉大好真山水，便擬巾車累月遊。

閏端午有懷命之容甫二故人

山雨新晴萬綠舒，驚心忽掩案頭書。
潛身大壑逢重午，幸餘求定稿。

卷九

八

回首章江憶閨餘，衰世俗方前輩滅。
故人情未死中疏，欲將分糴佳辰展。
感舊停觴意不攄，連日夢兩君坐談翻縷不已

偶書

醒來無事出寒樓，行過山翁問路蹊。
昨夜五更風乍起，半吹明月墮峯西。

留得當時折腳鐺，偶然夢醒取茶烹。
深山一室鐙如豆，挑盡孤花分外明。

有僧言予爲普陀弟子者戲贈

月到天心水在瓶，不須別自有眞乘。
長宵共我三生話，蓮葉蓮花證老僧。

子明先生觀披雪瀑命同賦之

有客清晨來叩門告我昨觀披雪瀑山木深深冷臥雲
谿流窈窕陰生谷未窮眼底坡石奇已覺耳畔風雷熟
當頭忽下白玉龍母乃山中之所牧乍如夭矯上峯巔
瞬若蜿蜒穿澗腹遊人目眩正心驚足底忽然噴珠玉
念龍豈欲赴江海怒此潭小難伸縮退坐大石定心魂
乃知一谿之水所洄洑我聞此言驚起昔年事張口不
闔如敗積誰言眼識有仙凡妙境獨得正非獨前遊廬
山瀑萬仞曾無一寸伏又讀天台賦界道飛流真在目
若使秋涇比北海此瀑何敢免慙慙若論東海是蹶潑
幸餘求定稿

卷九

九

廬臺正似仙人葛巾之餘漉但恨人生多蹙蹙縛置處
女半閉屋安得筋斗破天網朝窮一水暮一麓盡此八
萬餘里十萬年一一羅霄如數菽回頭卻望此故鄉海
粟齏山同昱昱

寂光菴

我有寂光菴築址幽巖裏澄靜塵不飛炯然見萬里百
千生滅象遙遙蜃樓耳譬如風中鐙燄定閃不起紛來
固有人偶應若非已但覺月常滿大地白於水老死此
菴中萬古常如此

次韻後塢見贈原韻

南風吹雨逐雲開，坐看鞋痕減砌苔。
野徑漁樵方夢好，天涯兄弟喜重來。
園深夜翦蔬千本地，敞涼傾酒百杯。
情話莫嫌便，申旦東堂荷芰北山萊。
自古才人多簿尉，哦詩萬首酒千觥。
南昌綠鬢神仙侶，海上朱霞宦客情。
莫惜五湖營斗粟，時還百里擁書城。
前年記得攜壺處，漂母祠邊秋水清。
聞道交州大帳開，醉橫白眼幾停杯。
天心難割華夷界，帝力虛求絳灌才。
日麗青冥鮫有淚，月明碧海蚌藏胎。
請纓請劍男兒事，莫倚高情解帶回。

仙壇送客

幸餘求定稿

卷九

十

雲旗鐵鎖渺難攀，位業交遊盡泰山。
未必仙家有奇術，應緣天上勝人閒。
挂弓事異誅蛟去，杖劍功同檄鱷還。
太息滄溟多駭浪，願移寶杵靖瀛寰。

廬阜高賢倚遠公，小齋漫欲繼宗風。
杏花放後人方至，蓮葉圓時別太恩。
天上夔龍聽石拊，人間鵲鶴怨山空。
分明夜月吹笙處，悵望峯頭又夢中。

次邵子湘見贈韻

暗山帶松影，殘月吐餘清。
遠雨天邊散，秋蟲葉底鳴。
感時驚露重，懷友聽雞聲。
何意逢高詠，殷勤慰我情。

忽聞

舉眼誰相問青天豈果高醉鄉寬到海樂地窄如濠殘
暑消冰藕新涼劈露桃忽聞盟會起罷笑首重搔

鐵圍有詩社之約詩以堅之

赤日威方減青雲興漸高山瓜支午飯湖稻注新槽秋
迴河垂帶光寒月似刀聞公有社約未敢聽鐘逃

友人築山樓名曰瞰青接以修廊名曰步虛雜種
竹梧之屬以書抵予寄題二律

舊傳峯背山天閣石氣攢生世外雲古洞陰森埋虎迹
深松磊砢長龍紋近來玉斧修名構鎮日冰壺對此君
借問巢中雙白鶴樓頭說劍幾回聞

幸餘求定稿

卷九

十一

碧澗丹厓隱隱連步虛廊更接林煙當秋起視雲生嶺
獨夜徘徊月滿天欄檻乍隨孤障轉檐櫺長繞小亭偏
懸知醉下高樓後響屨聞時詠幾篇

筱塢淮陰放櫂隨春燕以歸來皖水停驂指秋鴻
而將去借眼海棠之豔對語消愁寄予鐘韻之軒
連宵情話出其餘緒製彼妙詞佳句驚人幾貴江
南紙價曲高亦和豈如白雪吟孤乃藉名花自儕
學步錄塵清覽正我不工

花事秋蓮老新涼意若何曲牆微雨寂危砌晚陰多露
洗猶宜粉風梳不解酩少陵如可作應補海棠歌

詠物小詩絕無感抱詞多味少見哂大方然滿目
梨雲枕上結迷離之夢六宵荷雨門前留悵惘之
情援筆更書復得四十字聊寫予懷慰君雅抱云
爾

拾得名園種清懽喜到家弟兄風聚葉兒女露凝花解

笑宜秋淺消愁供醉譁尚憐人散後嬌倚澹雲遮時君子方

聯姻予亦得孫

山如買宅城中是吾家舊時所居爲吾姪所出售
者入宅往拜令祖苧川展卿儀衛三先生因得二
律贈之

幸餘求定稿

卷九

十二

懷刺歸來問舍田氣含湖海尚依然春波南浦同千里
夜雨西窗話十年故國風趨江上水秋來消息海東船
頭顱如許逢時感相對婆娑祇醉眠

烽火頽城半夕蕪山邱華屋幾縹糊午橋已見虛裴度
甲第誰當賜魏暮買去定開新戶牖到來猶識舊街衢
德星堂上曾相聚付與君家勝彼都

次韻篠塢疊韻見寄之作

詩筒兩月已三開又遣花童踏碧苔落月晚風催客去
澹雲疏雨送秋來相思劇處逢高咏懷抱因君更舉杯
正似天仙沈醉裏笛聲飛出小蓬萊

楝立

暝色下空山蒼茫樹石閒
谷虛人意靜谿淺水聲閒
密樹深燈出寒樵夜唱還
無人共清景微月嶺頭彎

秋興

八見空山木葉枯蕭然獨坐對冰壺
風搖林苑明紅果
雨入疏窗暗碧梧
新祿諸孫連歲長
故人細札十年無
韶華易到思吟句
滿眼秋光不可摹

安節傳家兩字師
清泉白石竟何宜
最難將母辭官後
况爲僨逋鬻產時
匏葉淺深隨遇定
菊花門戶耐寒支
寸長尺短尋常事
自入秋來總不疑

幸餘求定稿

卷九

十三

謝
倫叔以折枝木樨芍藥見贈且繫以詩次韻酬

瑤華親折入山家
十載閒看天外霞
丈室散花參盃飯
寒巖枯木守楞迦
多君遠采秋江樹
慰我虛停日暮車
從此佛壇同一笑
聞香簪鬢兩無遮

篠塢出示諸人送行詩亦漫贈一篇

久客辭鄉轉似歸
西風無淚灑征衣
縱看江上秋帆遠
正是淮南木葉飛
吳地橘枝霜後飽
空山桂子月中肥
祇憐細雨孤吟處
翦燭誰當共掩扉

雨留靜觀草堂與外姑話亡室舊事

松山遙黛動湖流湖上波光帶雨收
草閣風搖籬菊晚
柴門雲漬海棠秋十年珠箔虛新夢
一夕金尊起舊愁
悵悵玉簫聲久絕鳳凰何事戀秦樓

石門沖

抱石懸流瀉復渟蒼厓忽起東羣青
晴天積氣交風雨
捲地先聲走電霆在昔有人號真隱
今來當戶賸殊聽
山家夜半如留客定報龍吟或虎經

安處先生

安處先生甘冷歇僵臥抱膝無人嘲
有田負郭賣大半
寓人滿室還相招屋角垂柳手自植
峯頭野泉舌可澆
幸餘求定稿
問渠何以奉親懽谿寺鐘來歌和樵

卷九

十四

餞篠塢

鴈聲落葉兩難聞况送風帆入暮雲
山水有情能住我
田廬無計可留君當年高咏逢眞賞
此去何人與論文
滿把金尊莫惆悵河梁同是歎離羣

予亦將待
缺入都

鄭重親持此一尊相看去住總前因
有才能奪三生福
無病方支萬里身拚聽蒼天隨位置
尚稱綺歲莫憂貧
鹽車倦馬垂垂老伏櫪猶堪問路津

數從繡障入山隈惜舉霞文祇四回
酒到快時偏引枕
談經深處轉停杯牛蹏不爲青山臥
羊角還招白石來

大好五更沈醉醒弟兄懷抱避天開

若時以下兆及
兄年老爲念

此去君當樹二松掩扉安我舊冬烘宦情自與秋同澹
貧業惟知句可工花爲人閒紅韻減雲因風捲碧天空
他時釣得江魚美尺素無忘問小童

寄柳橋司馬吳城

三年不到灌嬰城漫憶西窗夜雨聲好友乍逢如得句
名山久別亦多情清霜楓柏臨湖晚秋水芙蓉向曉生
爲問官亭乞如願可能容易並歸耕

九日言懷寄倫叔山如寒人篠塢

籬菊晚婆娑依辰日月過長眉時樣少短語古懽多秋

幸餘求定稿

卷九

澹如村酒心閒耐野歌天公容我傲風雨靳馨阿
毛公洞雲外亂後不曾看尚憶一泉碧遙合萬樹丹春
秋佳日易天地此時難憑問茱萸佩登山近幾盤

重陽夜雨

醉起三更外茅檐雨到初灑因楓葉覺潤念菊花舒遊
興憑人盡詩情人夜餘明朝應把酒秋綠滿園蔬

菊花生日戲贈

澹泊村醪酌一杯十年籬徑未相猜似親秋士難爲落
常對高堂著意開風力一時驚衆卉關心九日傍孤臺
君如說法人間世須向雕欄玉砌栽

贈山如

城市山林計各艱扣門有客莫常關文章豈必風雲妬
錢粟能教意氣刪終古人天同藻世當年事業重名山
自慙鳴鶴難爲和青眼高歌一望閒

寄敬生

道遠難逢使山居易懶人江湖千里隔風雨一燈親似
有谿橋約都忘歲月新祇餘廬阜夢還往路差真

柬倫叔

健學如君今日少疏慵似我古人稀晚來驢背看山色

拾得奚囊斷句歸

幸餘求定稿

卷九

十六

一卷新詩對竹看清思怪與雪爭寒還山尚記華顛句
楊柳芙蓉不數韓

贈白雲谷

萬木冷蕭蕭柴門鎖寂寥雪殘迎雨盡谿響借風驕慧
眼延佳客仙心話永宵前期知有信定似皖江湖
山水最深處相依止白鷗寒楓催落日殘菊送窮秋歲
晚逢君至殷勤爲我留峯巒隨地好還向故園求

晚霽

三日空山雨微晴動燒痕遠煙散高樹晚日霽孤村峯
冷樵歸少谿深人渡喧相看忘歲月寂寂掩柴門

題家問樵先生一枕窩詩集

騷壇先輩久彫零芳草斜陽寂寞經惟有落花詩一卷
風流長共改山青

栢桐絃外獨成歌流水高山喚奈何浙瀝高齋旬日雨
秋來不及淚痕多

寄題友人藥俗軒

朝來雪意壓山沈高館新添洛下吟想得詩懷清似水
萬竿竹氣欲偕深

先後浮官共一方嶺頭梅信有遺香南枝此日多應放

誰向空山寄遠芳

友人曾宰大庾

幸餘求定稿

卷九

七

斜川在南海以芋作羹坡公喜爲咏玉糝詩概兒
婦戲效之以供祖母且廣之以冬筍萊蕪之屬詩
以獎之

南海名羹玉糝傳東坡少子是斜川山居我更誇香輦
從此高堂慰暮年

兒樸掃墓三芝菴明日天大冷走足送羊裘迎之
繫以一詩

篋輿昨日上峻嶒一夜瓶花凍作冰山冷定知高處雪
一鑪楮柶閉門僧

雪霽

澹日隔雲烘山寒雪未融出林人掃徑過澗虎留蹤已
覺素心少相憐青眼空漫期城市好風景故時同

時將移居

于城中故宅

寒風凍雨把酒圍鑪念此日族戚中有因子而遷

徙者惻然成一律寄示通伯及楷樸概共和之

太邱遺德問猶新庭訓虛承五十春正媿孤寒安廣廈
難將族鄙盡比鄰挂車月黑雲如絮投子梅開雪似銀
試看懽迎三徑日可憐風雨出門人

幸餘求定稿

卷九

六

婿范當世同校
姪孫鍾英

幸餘求定稿十

移居

小寒雪後雲猶冷
賓鴈風高月不明
萬斛詩懷無寄處
春風和客入孤城

露井依然傍竹林
鵲巢新架古槐陰
分明舊日堂前燕
故壘歸來不可尋

鄰園敗石絡新藤
往事欹眠醉不膺
今日月明花覆地
讀書聲裏一簾鐙

鄰園爲
吾所得

家具孤山鶴守梅
夜闌乘雨手親栽
白雲久斷黃塵路
偶爲人間春色來

幸餘求定稿

卷十

漁獵時風日漸勞
自將古事教兒曹
高門只合辭車馬
滿苑長松鎖暮濤

近谷春深蘭蕙香
和雲鬪入賣花筐
長廊小苑無人到
自捲風簾坐夕陽

東風昨夜放瓶蘭
獨坐挑鐙憶古懽
百卷翻窮人不見
徘徊起向月中看

龍眠山雨壓城過
霽後風光又奈何
等是江南花鳥地
不知春色阿誰多

歸客雄談海上風
爲言戍火照波紅
沿邊不少三千弩
未落潮頭已挂弓

椒岑談和
夷事甚悉

櫻桃破藥柳交枝往事花光動遠思最好日斜人罷讀
玉蘭初放倚樓時

門外三槐半作薪畫樓斜帶草堂春庭南常挂天邊月
猶似多情識故人

城頭落日帶餘霞把酒高齋對暮鴉忽憶故人離別處
一庭春雨送梨花

綠槐高處是吾家一樹林檎正欲花五色雲光齊照地
不知何處是南華

雨中嵩甫尊者留飲醉贈

滅盡豪情百態新酒兵花政廢陳陳春霖乍冷如過客
幸餘求定稿

卷十

二

庭草重青似故人若爲素心虛卜宅未充水手豈知津
匡居縱使如泥醉已負當年頭上巾

賜稻孫

懷抱久開散忽然中斷權明知來幻影那免怨神丹看
媳憐心暗寬親慰語謾山頭有阿姊魂小倚誰安

車心澗

馬蹶倦行客山色入蒼茫野店春潮沒官橋落日涼石
泉分苦茗旅席共麤漿薄醉看乘釣魚筌欲兩忘

秋日登城示寒人承初

孤城吹角斷閒眺日初曛重靄秋疑雨遙山遠似雲煙

村經亂滅木石與人羣莫漫悲搖落聯牀足共聞
郊行聞左季高相國之變

霽夕楚雲開秋高鴈未來風鳴將落葉雨散未收雷聞
道南征將壺頭困不回含情望北斗曳杖幾徘徊

同寒人承初攜子姪出遊

出郭度微嶺徐步款禪扉疏雲閣生陰小雨山藏輝丹
林紛入牖悵然霜已飛鴈聲送歲晚見月莫輕歸

黃彭嘴曉望時送陳雲谿邑令奉諱去任

野曠風行急平湖曉望迷日寒山色澹霜冷鴈聲低歲

儉思仁政時艱惜願睽含情問農事潮汐與天齊

今年大水

幸餘求定稿

卷十

暮歸

疏林歸鳥外長薄帶孤城落日背山下斷煙依水橫人
家游經亂風尚眷羣生漸覺繁星起官橋燈火明

夢中作

瓊糧鸞車去故鄉人間咫尺見蒼涼臨厓自此真千里
湖水相思宛一方龍象入塵終蹴踏蛟螭到海總徜徉
行吟大有炎炎語莫爲荒唐廢老莊

城北晚眺

夕陽衰草兩三家古堞新頽起暮鴉忽憶舊遊何處是
畫樓貯月樹交花

出門

白髮高堂在相看不敢悲生涯輕此日世路異前時故
黑風塵定寒江雨雪遲登車諱回首臘鼓是前期

曉發蕭家店

開戶雪千里登輿漸覺非昨來黯風色一夜作霜威水
涸餘湖氣天寒減日暉庭闈殊未遠回首白雲飛

德化道中

回首潯陽見鴈賓琵琶亭下水成津篔簹南轉林塘邃
知是廬山欲近人

哭芋仙

幸餘求定稿

卷十

四

十年不見竟騎鯨千里驅車媿巨卿豈有奇才無世用
祇緣孤行得狂名紅塵合讓癡兒住碧海難攄恨鳥情
太息登壇空絳灌銜冤坐斷賈生纓

芋仙以海上官得罪

東流戎馬相逢日正是君初仕豫章餘論元暉推孔顛
交言靈運壓王郎集名天瘦堪追憶生諡文哀亦可傷
美景良辰逢上已可能杯酒似平常

君善哭常戲言當以文哀爲諡

十載爲官不救貧海濤斷送此吟身奪來畫佛常懸壁

逐去錢神快濟人五柳諸生思大尹三苗異教困疲民

平生風義歸詩半拔劍高歌泣鬼神

宰彭澤毀淫祠宰臨川排異教

不緣乞食悔辭官祇爲交遊惜敦槃書斷知因飄泊久

病多時念唱酬難無少田宅生何補有好兒孫死可安
千古章江鳴咽水哭君雙淚不同乾

臘戌

十里無雞犬荒岡日欲昏千盤孤客路雙柳兩家村歲
儉人聞戒天寒水斷痕急輪近前館燈火滿籬門

懷刺

闕閣深深晝下簾三懷敝刺坐楹檐佳人例斷侵晨報
園令孱宜渴病添有憤正當投孔頸無弦誰與論陶潛
江山如此扁舟在鳧泛駒昂久自占

發吳城

幸餘求定稿

卷十

五

景物滔滔歲欲更章江放櫂第三程雲消山似屏眉列
水落湖如鏡面平齒髮漸從人外老江潭易向客中輕
故交廿載猶安坐牢落扁舟看濯纓

除夕逕大孤山泊湖口

一帆側借風橫勢百折湖心破浪時上下舟飄滄海粟
東西人篆碧霄絲絃歌舊地朋簪少艫舳新年繫纜遲
臘鼓驚心鄉夢遠高堂柏酒正盈卮

丙戌元旦試筆是日立春舟泊湖口

楚江一月客星懸載入扁舟別故年幾片湖雲將曉雨
早偕人意占春先

九江旅望

楚江春靄碧空連，目盡征鴻思渺然。
落日停雲徵士徑，寒波照月賈人船。
離煙樹迷鄉國杳，杳風帆沒遠天。
幾度憑欄思養拙，故園歸去又新年。

寄擊甫

獨坐懷人遠，三年尺素遲。
春鐙微雨夜，貧酒落花時。
政好憐岑沐，官閒課衮師。
向來文事秘，深淺與誰知。

白襟初花

顧潛分新種，章江入舊家。
歸來松竹底，一紀見初花。
璧砌宜鄰菊，籬牀合煮茶。
高風誰伯仲，輪與野梅誇。

幸餘求定稿

卷十

六

碧桃

一樹庭花白，仙根種自誰。
雨深風日澹，春冷燕鶯遲。
抱藥雲全瘦，籠枝月乍移。
清尊斷消息，寂寞獨吟詩。

上已過寒人家

尋芳勝日雨絲斜，草舍新嘗處士茶。
歲歲流光穿屋水，家家春色出牆花。
堂前燕識非王謝，座上人悲失顧華。
莫爲披裘忘蠟屐，袂襖觴陳迹已天涯。

辭家宿曹家岡

柳陰覆地麥登塲，湖水纔波恰受航。
記起當年初宿處，澹山疏樹兩三行。

新秋出水大如鉞
歎後人家望歲心
昨夜連村雷雨急
不知何處漲痕深

花山道中

水淺漁罾遠入湖
青山數點澹如無
花山風景宜初夏
打麥聲中謝豹呼
門外銀塘乳燕飛
貧家荆布出柴扉
畫眉不爲時深淺
楊柳陰中自浣衣
朝來野鶴出煙巒
尚爲雲深憶故山
麥雨槐風三五日
不知清唳落江關

九華山作

幸餘求定稿

卷十

七

一片天邊碧
舟人說九華
捨舟來谷口
散作萬蓮花
古徑雲藏寺
名山僧易家
人言金地藏
曾此伴煙霞

雨後自低嶺菴至二聖殿

寂歷空山杜宇聲
風泉繞谷送人行
諸峯雨後銜雲出
修竹巖前抱寺生
水射嵐光成遠霽
草薰馬影得微晴
到來合伴煙霞住
回首門閭念幾更

出九華至甘露寺道中

來日暗雲氣
歸逢霽色新
千峯排送客
萬竹遠留人
畎畝當宵豁
樓臺轉脰頻
憑將泉壑趣
細語慰衰親

過敬甫家

小槩分菱浪陂湖宛轉通地幽名字缺但記水當中
主人出門去蔬酒勞深閨他日論交際知曾拜母歸

爲通伯題毅菴所贈先藏陸稼書先生與人小柬

冊子

春陰掩楊柳微日下西岡背山行人郭曖曖生新秧入
門視所親展卷映燈光夜深懷古昔乘興出琳瑯肅然
乍起立久對味彌長鼎彝不必貴恍見周與商圖史雖
零拾緣以想前芳吾道苟未歧糟粕亦梯航古人良已
矣四顧心蒼茫

我友田間來翦韭淹信宿默對寡笑言時一展簡牘袖

幸餘求定稿

卷十

八

中出元珠署款平湖陸錢塘八月潮歸裝惟卷軸鞦韆鼓
動西風檢十失五六緬懷先世事自謂淚盈櫝遺子吾
所欣夙契在坦腹歸然儀宋翁白髮頽身羸至今把卷
看猶得見前淑珍重古今人共勉先疇服

千蹊載行人各言長安道一程苟未達牽牛猶入草登
山眼易明月中思建表如公月當天萬翳同一掃我昔
過三江悵望當湖好八荒塞煙塵空失寶山寶俯仰二
十年未免鄉人老五十已無聞誰爲夕死保悒悒夜雨
深啞啞晨雞早摩娑百珠璣欲罷動懷抱

曉涼

清風徐動竹光白滿苑排珠圓可摘暑退林鳩盡意鳴
雨過庭草無心碧百年老屋車馬稀日長罷讀看雲飛
衰年堂上新涼宜捲簾醺酒勸加衣

憩山亭

亭檻俯谿危風含暑氣吹追涼隨樹影破倦讀苔碑度
蟻支泉脈全蟬解網絲役夫前路熱憐爾坐移時

夜起有懷

入秋無新涼夜暑猶在戶幽人起徘徊絡緯亂瓜莽微
雲掩斜月知有前山雨風露不覺深遙遙動街鼓滔滔
世運窮寂寂慙小補流風不可存終見柴門杜

幸餘求定稿

卷十

九

夜起有感寄摯甫

秋窗漸難曙夜起望高天明月常如此涼雲忽黯然呻
吟天地病醉夢鬼神憐太息先賢傳流風誰與傳
爲國存元氣因時作典型含情等舊雨屈指已晨星北
斗江河接南天日月經文章匡薄俗舉酒莫辭醒

寄家錫九叔天津

風露初含木葉秋樹梢纖月挂銀鉤怪來清思牽滄海
爲得詩人趙倚樓

渤海城邊動早寒單車兩度隔長安不知秋水今何許
合讓君臨碣石看

山城唳鳥柳毵毵，
啟堂空長野蠶莫爲月明動鄉思。
已無風景勝燕南。

十載歸休百不言，
青山流水過閒園。
近來種得千竿竹，
滿院清風獨閉門。

紅杏樓偶題

佳日宜人俯仰中，
小樓獨坐趣無窮。
隔窗雨送芭蕉碧，
別舍煙分棗橘紅。
長語燕如知近社，
短吟蟬似識秋風。
花閒未盡芳尊樂，
又動清光屋角東。

中秋夜訪寒人通伯康平明日走詩索和

萬籟明如日在天，
樹少盡見城頭山。
走厯城西轉城北，
幸餘求定稿。

卷十

十

如魚出涿清冷淵，
扣門呼起二三子。
眼帶殘夢添愁顏，
捨之渡橋問馬子。
人聲四絕蟲語繁，
一燈照讀者舊傳。
雙桂樓前香正妍，
語罷清光不可捨。
高喚倦叟驚酣眠，
爲予呼兒汲澗水。
茶熟進以棗栗，
蓮談深人事到山鬼。
坐起言笑復長歎，
是時雲淨月中懸。
讌遊卻憶十年前，
清谿繞郭山蒼黯。
一權爭出鳧鷖先，
又憶弱冠城西偏。
石莊松桂影螭蜃，
三更明月出東嶺。
濯足谿流笑語諠，
祇今散亡陳迹遠。
宰木或拱南岡，
須臾千載在三立。
秉燭尚未知誰賢，
天雞一聲來無端。
山風泠泠衣裳單，
去者迹掃住無痕。
明朝又見月團圓。

酬倫叔送之上海之作

君不見漢毛義奉檄對母懽心遂又不見介之推與母
偕隱招不回但知出處非一致雲雨翻復衆所唉人生
富貴等閒耳辭受要須有深旨當時祇解此心安事後
傳聞天下喜我生逢多難城破家隨之先人厯戎馬報
國終與尸深山春盡哭因母閒道東走窮海滑烽煙滿
目無住處微祿逮養聊相宜鼙鼓一朝歇四海春風吹
座上鄉里兒折腰復何爲成都有田一百頃胡不歸守
東岡陂東岡之陂煙舍好兒女有家孫在抱十年婚嫁
阮囊空甘旨無資親更老平昔貪矜殖節高傷貧翻悔
幸餘求定稿

卷十

十一

抽身早武功山崩業文字水清冷雖無齊楚五鼎養差
勝芟芟束帛情爾來五度秋風生衰顏坐看江雲橫山
上蘼蕪閣中素但向東西南北行楚帆開江流遠送盡
行人不知返萬里乘風各有時橫舟待渡終何損請看
世議薄太真豈知母教遣行人子雲死後無眞賞何望
當時定品論卽如毛公介子心所安處卽通津異同各
自依其偷去矣君勿更傷神一任絕裾眞賞紛紛炙口
如車輪

和月樵登投子山之作兼柬山如

君登投子問精藍片石孤峯不可探鐘向寺前參寺後

人從江北望江南旂檀新剝同遙思雲日空山付雅談
試問饑邊雙樹子又誰赤腳放衣擔

和山如韓侯嶺墓

漢主平胡歸輦日正逢傳送故王頭狗功名易隨蹤發
狐死終難正首邱草樹岩巖停客馬風雲慘澹護村牛
烏江要領宮中綏太息英魂一類收

中渡

際曉雨初收山聲急眾流空江橫杳靄孤艇送窮秋老
父收漁網寒僧語寺樓含情思理權悵望又松楸

朱御史行

幸餘求定稿

卷十

十二

夜半烏嗚御史府志士不眠聽署鼓 國家多事殷憂
深明日封章天可補海船如山萬里來 宮中聖母顏
不開海軍新立未部勅名王一 出方受裁是時黃屋承
恩制前有羽林後騎衛臨行更請魚朝恩半典軍容半
私計旆旆旌旂返海東內臣亦到未央宮簾前敷奏天
顏喜道路傳聞有異同君不見趙談親倖延年寵臥房
奏請日相踵求珠三保下海西洪武鐵牌猶挂棋豈知
胎禍在萌芽殷鑒由來夏后家刳肝瀝血心難盡左降
官曹詎足嗟田間小臣心活國三讀詔書長太息朱遊
罷去檻空旌北望愁思此何極

酬錫九

當年文采數吾家出處羣推蔚國華天祿燃藜逢太乙
成都載酒得侯芭於今蠹簡看無恙後死駒光恨有涯
媿我尺捶空取半李揆三絕任君誇

遺愛潭州四百年峽江燬政亦同傳春風蘇遍湖南地
秋水清開石底天遠起文孫松菊後奇收武庫海山前
康公積善知今驗翻信篇章空外研

先臣夙抱在澄清未數微忠掣海鯨直道不虧三黜節
藏身深薄二疏名朝中列論思前績域外奇書啟後生
早晚巖廊綜核貴包桑還見萬方平

幸餘求定稿

卷十

十三

勃礪東環拱絳霄英髦如水此中朝風雲入塞胡星迴
日月當空海霧搖黃紙銓名期召杜青山回首憶漁樵
不材脫幘忘緋紫東閣詩成願倘招

樸兒書來邀楷同客天津聊先寄此

爾去經年渤碣中登樓湖海氣應雄五更笳鼓城頭雪
萬幕旌旂海角風紫塞近通長白外黃雲時接太行東
春深閣夜連牀話莫漫相憐作客工

食粥

老夫晨起衣裘薄開戶霜風吹帽落隔窗乞火指欲凍
枯腸轉響如丸藥雙弓飯熟喜高堂青齋薦席盤紛錯

不惟捫腹各便暖自頂背舒到腳讀易嘗疑賁六爻
白素不惜陳言數今朝腹果體生溫禦寒不待覓狐貉
乃知外者內之寶篤實自有光輝爍試觀萬木彫枯水
歸壑生氣潛藏如橐籥春風一吹春雨足萬紫千紅更
灼灼波濤亦見連天泊徘徊絮語對兒曹閉戶勿嫌常
落寞不見楚國騷人頌橘情藐姑處子膚綽約

兒概旣遊吳門楷亦將之天津與樸同客倚閭道
遠情見乎詞兼寄示樸概三十韻

家落難安坐時危易別離一年思遠日三值送行期不
必窮途哭常懷失路悲書來成作客肱折謬求醫山雪
幸餘求定稿

卷十

十四

尋封徑江風已凍鬢宿雲瓜步樹寒月蔣侯祠失母憐
渠小依人媿父慈漫誇三鳳穴各挂一鳩枝弱弟行難
住元昆又繼之緩風辭故國春色近 皇畿使信兼旬
迫治行兩月遲連牀話山雨剪燭憶秋池回首銜泥燕
關心破浪髻樓頭一壺酒細札十行詞烏展丹青綺蜃
吹碧海奇菊風催朔雪杏雨送流澌郡郭聯吟好高齋
縱目宜遙憐寒入夢念我白添鬚老子能安臥高堂喜
可知茶烹仙井水藕斷寺塘絲避熱桃笙細穿雲竹杖
支清娛彭澤酒哀亮少陵詩風鑑譽皮骨星家驗日時
人天吾道在門戶爾曹爲吳蜀同長憶江湖起遠思休

爲撷世網輕薄似時兒文語甯常作畸行不易持直令
杯醴在莫惜舍漿虧花鳥江南夢風霜趙北陲蒼茫勞
獨詠天地正淒其

老樹

老樹當門立經過識故家心空知閱歷氣在易萌芽看
鵲春巢穩聽蟬夏蔭遮後來見孫子應不計年華

絕句

野明未落日江冷欲生風來往車塵裏好山時一逢
冬來未雨雪菜麥半枯黃投袂陳詞去天高不可量
水枯湖出石葉盡樹無煙落鴈晚鳴際平沙寒閣船

幸餘求定稿

卷十

十五

敝廬

先人有敝廬地近東城闕前瞻聖人居當門四槐新廳
事可旋馬高樓望嶙峋鼙鼓一朝起棟木各爲薪卅年
長孫子得歸慰老親遺構閒草舍蔬圃帶果珍雖有車
馬客不爲勞心神人生如飄蓬所寄卽爲真形役豈必
非內足外自伸眷彼擇木鳥翔後亦何馴舊巢非幕上
乳哺聊逡巡俯仰萬化遷循分古所敦

毅菴寒人通伯連日會飲兒楷亦具食予與毅菴

寒人戲約爲三寒圖先爲四偈招之兼示通伯楷

爲問蘇家冷幾分金神墩外盡湖雲料知雪後空諸有

明月當頭獨照君

獨往寒巖儀衛翁暮年解脫任奇窮人天若聽三寒語
把臂當教入箇中

一山出入路三义剪盡荆茅轉到家自有寒巖枯木在

不妨春月與江花

寒人新自山中移居舊宅

我家亦有庭前柏誰與同參歲後彫撞破西來真了義
不須生死問根苗

醉中戲柬毅菴

大醉不知天地大得醒翻覺醉鄉寬神全不畏南山虎
說與騷人未是難

幸餘求定稿

卷十

六

未到千杯力不勝聞君亦被醒人憎醉鄉卻怪無君迹
百道天階各自升

長見初雪

勁寒警衾枕窗曙動晴暉起視遠山白夜來知雪飛孤
城飢鳥下澹日亂雲歸爲問兩髯老誰憐敝緼衣

毅菴寒人

皆無裘

爲寒知翁營得贖裘賞繫以小詩

歸鞍欲發客衣單萬頃寒光道路難明日披裘動詩思

一湖風雪杖藜看

婿馬其利姪孫廷璋同校

幸餘求定稿十一

丁亥元日讀劉改之詩效其體作二篇試筆

雪壓高城二尺深萬家燈火送窮心
曾聞世事可相遠何意閒吟痛忽沈
名酒支寒還夢鹿短筇扶滑聽朝禽
諸孫未解憂年穀眩眼光中索餅金

清夷和惠兩無成理髮何嘗黑一莖
門戶艱難慙色養米鹽容易減詩情
漫思開歲邀鄰曲準擬春泥補地平
江海山林各隨分敢依仙弈問輸贏

中夜

更籌中夜急鑪火有餘溫庭雪欺燈
燄檐風裂案樽物幸餘求定稿

卷十一

華春寢及天地歲初元明發看梅綻
孤芳見道根

棄孫入塾

鐙火兒時事恩忙入眼來林廬經浩
劫文字豈寒灰喬木春前徑閒門雪
後梅詩書兼舊德永晝與徘徊

雪後同人小集

晴竹散清輝茅屋出奇語相逢江海
人偶此共雞黍高言唳鶴鳴清理抽
繭緒琢詩吐舌冰閱世銷心暑會有
萬古悲甯知一室處驚鳥散殘雪鄰
鐘休午杵斜日照片雲積石可延佇
春容動微微山意若相與近朋得所
欣遠友念方旅萬白見孤紅欲折寄
何許

啄木

老樹心已空枝葉抱皮長野鳥來何由窗前啄木響

雪漲

何處風雷起春來蟄未驚懸知晴後雪一夜拆冰行山
漸分青出枝初覺綠生大橋橫郭外佇立眼為明

都中清明出遊

清明塵定靜無風龍爪槐南放眼空山色碧城梨雨後

春陰畫閣柳煙中平時市上稀屠狗橫目人閒合送鴻

車馬寂寥鸞馭遠五侯賜火是行宮是日南窪子無遊
譙者時上奉

太后謁西
陵未還

幸餘求定稿

卷十一

二

客中無聊觸景為題作詩六首遣興

九衢車馬簇雲煙清響因風得偶傳四海煙塵誰起舞

一窗晴色憶談元碧幢幸少祠神使絳幘深愁作塚年

時修三海已費六百萬金工僅
得半而又有規圓明園之意 旅館下簾渾漫想重明

日月正堯天右午
雞

銅龍魚鑰正攢更宮樹眠鴉警夢清彩仗千官穿隊影

畫樓雙鏡曉寒聲傳頭封事虛西府逋尾閒歌聽上城

牢落一翁楊柳畔含情陣陣看縱橫右曉鴉
張佩綸何如璋敗
自諫官

事後 朝廷以平日自號清流喜建言者虛誣皆不
足信而諸人亦因此短氣未敢建白遂成仗馬矣

何處花宮動晚鐘夕陽客舍挂長松碧紗久薄唐王播

金奏今思阮仲容韻出僧房驚座虎聲隨仙苑起潭龍
空王似解遊人意搖破緇塵不任封

右晚鐘

欲醉名山不可留近來生事媿閒鷗買空春囊惟餘債
折盡花枝枉當籌彭澤有田杭並種酒泉名地郡思求
黃公壚上今誰在酩酊歸來日暮愁

戊辰壬午兩次入都文謙諸人皆散去矣

去矣
右市酒

沈沈夜氣近清和街柝催眠隔巷過廿日寄廬宵漸短
一燈照讀味偏多銅壺不擬聽官漏刁斗猶堪唱塞歌
驚撫頭顱真老大景陽鐘鼓沒星河

右街柝

玉漏沈沈宵夢稀碧窗燈炮散涼輝人眠柳市聞鴉語
幸餘求定稿

卷十一

三

影度芳林有鴈歸漫憶朱絃吟趙瑟誰堪清露點朝衣
青天夜夜應殊照一下嫦娥問是非

右窗月

陶然亭別方掌如比部

孝傑

芳郊草色齊已是送春時沈雨潭光合行雲樹杪遲閣
寒僧病肺酒散客將離明日滄波上茫茫何處期

留別代耕

又隨歸鴈到燕關北道剛逢小阮還

時君還自天津

浸遇鳳池

三日接爲輕狗監六年閒升堂眷屬添麟種慰客書編
出馬班明去江湖各翹首野鳧潭水暮雲閑

予自壬午按供六年

始得
官

代耕邀同道州何君字仲默者遊陶然亭遇大風
揚沙走石天地晦冥移時畧定乃依野鳧潭而歸
麥短始青樹尚未綠惟亭前碧桃一株盛開

薊門草樹二分青廿載三從勝地經新雨一時逢日下
故交四海望雲停桃花盡意開僧舍潭水依然繞客亭
又是江南春欲暮只應相對倒金瓶

以 母壽日沽酒獨飲得詩一首

帝京楊柳未垂條三月鶯聲聒漸調北闕生雲通石馬
時上奉太后謁西陵 西山飛雪冷金貂是日遙望
西山雪色柝鈴客夜傳

書到花月春宵入夢遙燈燭四圍兒女鬧忘憂應解是
幸餘求定稿 卷十一 四

今朝

走筆留別毛實君農部 慶蕃

忽作坐中別回頭一月天論文門屢過感世淚如懸麥
潤披衣雨茶澆玉井泉萬方方蹙蹙吾道竟誰賢

潞河雜詠

落月光已微海日蒸霞舉帆重櫂開遲知有夜來雨
藹藹津門樹依依潞河帆曠望無近遠杳與清空涵
之子初來時牡丹始發芽牡丹開已落踽踽吾還家
花飛通州城潮落津門水月照海山蒼遙遙二百里
村落散禾黍車騎滿道旁相逢荷鋤叟猶自說僧王

武清道中遇麓逸姪孫

海色連天暮，前村數里中。與君經歲別，歧路忽相逢。遠樹留斜日，歸帆挂晚風。莫憐萍會暫，後約是湖東。

江雨

獨挂蒲帆趁晚潮，秣陵山外雨瀟瀟。空江煙水依然冷，何必青山是六朝。

次仲勉韻卽送其之臺灣兼柬高仲葵

誰言骨相必鸞肩，餓虎飢麟亦自賢。君本巢松雲裏鶴，不妨閒結海山緣。

先子牙旗曾建處，海樓此日又籌邊。淒涼部曲憑君問，

幸餘求定稿。

卷十一

五

更有何人著故轡

端午

佳節雨中過，兼旬日馭訛。風雷連鬱久，天地晦冥多。氣暗雲沈壑，聲高水漲河。方將慰農願，霖雨出山阿。

夢中作

開簾月未光，敗星明歷歷。所思何方來，就我新涼覲。窗鐙耿夜語，秋氣在四壁。頗念山澤遊，共君聽牧笛。簡書忽復至，煩襟何由滌。

德安

林居逾十載，作夢又江鄉。月出當殘夜，人行及早涼。半

城沈野水孤塔見朝陽憶想先民政徘徊媿吏良

至南昌

龍馬雲中走麴塵十年蹤迹問陳陳多情祇有東湖水
向我殷勤似故人

舟夜

櫂歌發中流驚起酒眠客長空秋水閒月照蒼山白

豐城訪馮晉齋

橘樹人家外雲帆入水邦秋煙生遠郭斜日澹空江
輟權訪之子將非舊面厖深情不可盡坐聽曙鐘撞

峽江

幸餘求定稿

卷十一

六

行到峽江縣青山兩岸多水清稀釣事城小倏舟過地
熱秋光薄雲生日氣和雨師應有意前路長江波

野泊

江光夜氣碧空懸野泊當秋月在天照見水西山下路
網魚歸去兩三船

三至安福

亂山迴合柳毵毵隱約人家散水南我是桃源舊漁父
扁舟歸去又重探
晚鴉斜照柳成圍風景料量半已非尚有當時舊明月
不因去住減光輝

巖田感舊

雲石風泉萬壑開十三年外此徘徊桃花去後誰曾種
桂樹當時著意栽天上晴霞明鴈鷺林中斜日耀樓臺
清都好夢塵心誤流落人間又一回

出郭

簞輿出南郭望眼極冬晴喬木猶前日兒童盡長成數
村涵遠照一鴈破空清廿載風光裏深含去住情

高嶺

喬松修竹參天上瘦馬簞輿竟日勞礙路石當山足出
閣船沙占水心高十年泉樹慙吾道三戶桑麻尚此曹
幸餘求定稿

卷十一

七

爲問谿南老居士漲痕幾次上亭皋

宿野寺

霜樹帶危坡簞輿迨暮過殘陽留寺閣秋磬入煙蘿苦
茗閒僧味鄰鐙紡女歌由來上方地明月向人多

懷里中故人

凍雨含風昨夜收平明飛雪入山樓江南故友貂裘敝
更典青錢挂杖頭
無事經時懶出門木棉裘薄擁諸孫定知臥聽城頭雪
無限驚風減被溫

長卿宅裏數株梅應有餘枝凍未開風夜定知聞折竹

又看山雪上樓來

和柳橋見寄之作

卅年官燭話平生別去浮雲一片輕垂老絃歌彭澤酒
相逢燈火灌嬰城江山傑閣人殊賞鼓角樓船事幾更
此日烹魚傳句好知君風雨不勝情

爛泥灣

扁舟遵野岸芳草未萋萋寒月明林外鳴禽過水西平
蕪荒店迴獨樹寺樓低爲憶春燈夜依依是舊隄

龍頭石

又挂雲帆去長天鴻鴈多晚燈江市遠春樹鳥聲和宦

幸餘求定稿

卷十一

八

興遙山澹塵心逝水過平生有奇好舟楫意如何

泊峽江縣

春洲雨歇一城開碧岸停橈望幾回霽日山光天外出

澄江帆影鏡中來

舟夜

戍鼓中宵斷孤篷郭外橫眾星臨水動遲月隔峯明萊
戲心猶切桑田事已更時危長策少舟楫媿平生
細雨春燈外推篷起望天遠鐘雲際寺獨火夜深船鄰
紡荒雞裏漁歌斷鴈前明朝風日好一路看山妍

上巳偶題屋壁

人天小劫十三年又見山城上已天鳥語不籠當曙好
花光經雨入晴妍今朝稷酒應誰主舊日垂楊尚檻前
芸篆風簾各羅列分明梅尉是神仙

夜坐有懷

銀檻依然掩碧紗芙蓉枝上月初斜金鑪盡意香迴篆
絳蠟何心喜放花只有牽牛能渡漢幾曾博望可乘槎
元暉應抱朱絃怨欲向天邊問玉華

不寐

深夜不能寐獨坐聞遠鐘起視月在樹雲色澹蒙籠中
庭瀉修影柳條閒芙蓉萬籟寂無聲清氣生遠空悠然
幸餘求定稿

卷十一

九

見物表四顧杳無窮人生波汨鶯舉翩願凌風回望天
地閒有如彈在弓遐思方未已忽復塵網封塵網不可
破還夢華胥宮

疊韻答諸硯齋

南風近暑授輕紗坐憶平生對日斜新事不堪悲柳樹
舊遊何處訪桃花相逢賓館欣開甕回首銀河似返槎
又是一場春夢穩好聽奇句向張華

疊韻贈陳蒲仙

瀟湘煙雨似籠紗記看君山對郭斜一夕江頭驚畫角
卅年洞口失桃花論文忽遇凌雲筆接席疑登貫日槎

聞道荆南多秀氣莫因下里靳風華

和硯齋

金鑪青氣看初純柳下相逢暑燬人一曲薰風弦韻起
勝他窗底葛天民

芭蕉過雨柳風來幾樹蔥蔥手自裁好是清簾疏簟裏
一壺冰貯可人才

桑柘蕭條見已親俸錢百石媿斯人天關虎踞蒼梧遠
雲漢迢迢不可陳

芙蓉寸寸碧依人同是江關寄此身五月玉笥山畔雨
不知何處正留賓

幸餘求定稿

卷十一

十

贈硯齋

我友撚髭處高齋一榻深烏傳旁舍語柳借昔人陰妙
手千秋業悲歌萬古心酒中多逸興從此莫辭斟

東窗日欲盡清氣起林端訟閣吏人散暑庭奇語寒方
將據驢背發興向漁竿一夕聞梁父牢愁且爲寬

大雨入夜未止走筆贈蒲仙

孤城當晝昏山雨急翻盆萬頃渠添漲千村水到門疾
雷天末轉餘溜夜中喧爲問瀟湘客何如在故園

寄強甫

聞道蘇居士今年生事微出門一飯少高卧接人稀風

雨倏經歲江湖空掩扉草堂千卷在教子莫相違

見說

見說宸光殿當春出使臣黃河天上水白骨道中人薄
海輸將日 深宮宵旰辰更聞罷秋策何以報 皇仁
南海開天詔中原仰大猷萬夫秋下竹一道水塢流定
使蛟龍伏長懷鴻鴈憂三池看朗朗歲晚幾含愁

不寐

射窗霜月吐疏林斜入屏風瀉影深欹枕四更人不寐
遙聽衙鼓自沈沈

罷酒停琴已載餘故人不寄一封書遙思此夜江頭月

幸餘求定稿

卷十一

十一

照盡蘆花水繞廬

輓愼菴

折盡荆花庭院秋訃書讀罷淚橫流竟教夜雨聞鳴鵬
不信春風可化鳩多口久知憎士憤披胷何處與人謀
蕭條雙桂樓頭夢應悟人間蝶是周
趣園芳草歇萋萋欲賦招魂路恐迷前度花開朝鳥鬧
經年月冷夜烏嘯秋鴻有影來從北江水無情不向西
千里守官空野哭憐君莫助益淒其

停橈

解印垂紳三十春徧遊湖海不知津停橈坐媿拏舟子

斜日秋風自渡人

諸兒應秋試後夜坐望信

秋林飛葉見星河客思徘徊夜半過故里音書江水遠
天涯寄迹楚山多潯陽帆有秦淮月皖國湖通左蠡波
聞說南中初署榜明朝拌得醉顏酡

重九夜坐示同人

登高何處可盤桓晏坐思來似水瀾九日鴈催山郭冷
中宵月帶海天寒幸無鉤黨須營窟翻爲窮途轉入官
昨夜故人傳細札西園松竹未言殘

兒概得鄉薦解首敬和 先八世祖感懷詩韻且

幸餘求定稿

卷十一

十二

以勸之

五百年間事幾殊讀書先德溯唐虞乾坤勳業當朝貴
邱壑文章並世孤卅載風雲思似續一時江海聽傳呼
明年金殿開春宴回首流輝未覺無

儒生

早年挾策氣縱橫短劍長裾謁上卿傳檄三千開浙弩
飛書七十下齊城生知骨少封侯相死恐人憐豎子名
猿鶴蟲沙各雲散拂衣歸去一儒生

雜興

南方有奇鶴結巢喬松巔天風斷塵壚雲氣隔人閒哺

成二三子和鳴達九天一朝匠石顧斧斤入其山斧斤
不足慮托根計所先振翼風雲表欲去仍迴旋回首故
山側社櫟方連蹠

東鄰窈窕女絕世桃李姿抱質守媒妁安然忘愆期一
旦遇蕩子歆羨不自持姑蘇買鉛黛邯鄲買胭脂明珠
頭上裝麒麟身上衣美睐流巧盼玉齒發清詞但知媚
所權果得畫蛾眉蛾眉誰無妬故步良已移故步何足
惜只恐桃李非不如織布素抱質待空閨

天地鼓大氣如水在江海偶然一相觸涓滴入坎匯坎
止與流行水氣何心待人生天地閒去來誰自宰當冬
幸餘求定稿

卷十一

十三

木晦根感春花綻蕾冬春天難權花木心焉在浩浩江
海閒貧富更何歎

有客懷寶鏡光洞燭九皋俯地魑魅遠對人見髮毛謂
我久藏此胡爲不自操默感按做篋果與青銅遭握此
一寸明頓免千鈞勞乃知古賢聖萬鎰一勺膏出門謝
來客一笑忘天高楊墨與吾儒何歸復何逃

野寺依寒塘落日照疏柳閒村下孤鳥深林見浣婦內
盧澹欲無外物何礙有悠悠暮鐘初落落鴉歸後借問
荷擔人何如放下走

黃河天上來患與地始終禹貢一篇書過半導河功我

朝閔黎庶歲以百萬供蹇蹇張與靳黎粟繼其庸屢聞
道路言堯年天降洛城郭皆沙墟千里無髦童深宮選
重臣薄海杼柚空隄上饒歌舞隄下人如蟲金錢入私
室馨鼓徒逢逢經營三時久所以未合龍吾聞列聖澤
未有屯膏風詔書况赫怒佇築瓠子宮悠悠草野談可
以掩其聰

坡公工諷刺致成烏臺案自詮期悟主忠悃何旦巨大
作豈非宜褊執反始亂公廚不生煙矧乃道路歎偉哉
李文靖談讌只河漢四方水旱疏日進經筵看後來活
國手韓范詎非冠開濟自有真徒法焉足筭我生值聖
幸餘求定稿

卷十一

十四

明朝章唐虞煥近來令甲新輾轉不能判

昔我遊岷峨萬里天風送挂席上青天六月人鮮甕再
上無諸臺三作幽都夢垂老泛滄溟蒼茫目一縱有如
不羈馬平原失馨控臣壯不如人髮短心何用昨來戀
薄祿聊欲高堂供舉火三十家煦洙分餘俸圖南不化
鯤從政聞歌鳳庭鳥啄春花清朝徒一哢坦道亦窮途
何必嗣宗慟

老梅置牆隅生意十年蓄當冬枝葉舒三花忽警目的
爍白雪閒芳香沁茅屋從此歲增榮坐待不須卜乃知
消息理久大在深畜我觀无妄卦遠會災與福大畜有

亭衢天心見在復證此戶中花愁然思已熟

納姬時距內亡十四年矣聊賦二章以紀一時情事

沈檀蘇合鬱都梁和作金猊百寶香簾裏篆成銀翡翠
被中薰透紫鴛鴦清尊絳蠟仙家日大藥丹鑑海上方
今夜玉臺重入夢畫堂聽鼓五更長

室爲亡內所居

雙燒銀燭淚珠垂寶帳流蘇百尺圍無盡天花空後散
有痕春夢醒時非花椒壁上思遺挂玉鏡臺前試舞衣
幾度燒芸呼捲幔珠星璧月兩依依

雪後蒲仙以詩見和更贈

幸餘求完稿

卷十一

十五

廿年蹤迹鴈飛還慙憶官梅次第攀

凡三宰安福

三面寒江

開霽日一天殘雪冷青山清時民氣憐今減內史文章
孰與班

范雲曾爲安成內史

喜得湘西老賓客連尊翦燭破愁顏

幸餘求定稿十二

范无錯來安福出與摯甫諸人唱和詩册予且
徵和予不工詩且吏事縈懷無以答其意乃率意
口號真朴之詞不復檢韻古人發聲宣志厥維天
籟後世區部音均蓋非本矣无錯喜寫册子吾但
書紙付之或當見和又聞摯甫引退他日千里贈
言亦未可知耳

千里結婚姻擇士在器識橫目宇宙閒所得百不一大
江出岷峨浩浩接溟渤蒼茫海山際萬寶藏其窟咄哉
吳冀州珊瑚密網得殷勤投贈我兩札細如織譬彼天
幸餘求定稿

卷十二

風生有翅不容振明月海上來墮我清宵腋始見冀州
心委懷乃非卒

孤城枕山谷谿水寒逾清臘雨迫嫩歲春至不可晴閣
前胡牀客不絕吟哦聲詎知庭中雪已與階砌平朝來
出琳瑯副綴皆連城眼底頰西水滿紙歐蘇情體體萬
峯白熒熒一鐙青文章與雪色放眼皆光精少壯不如
人垂老復何成吾衰久矣夫媿此淚緣纓

概兒計偕北上以官中事不及別追寄一詩

置牒廿三載於今忽出門平添官裏恨不盡別時言到
日宮花發當春海氣暄家書四千里勞爾夢中魂

送張厚培外甥回里

憐爾歲方壯往來何所成
薄田償債券旅殯尚榕城有
限妻兒累無聊升斗營故鄉少可戀底事雪中行

曉發蓼塘

一月東風曉尚寒
鬧禽深處過禪關
微茫澹靄村前樹
斷續殘雲雨後山
麥秀齊勻農事起
水波纔綠釣人閒
官輿又是江南夢
媿煞春犁吠畝閒

試院偶成

小罷公家事乘醺暫倚欄
山雲晴不散春雨晝添寒
天地傳杯醉年華攬鏡看
高堂有白髮何處足求安

幸餘求定稿

卷十二

二

試院諸人皆和予前作疊韻再酬兼示楷樸且並
前詩以寄概也

又見年華改東風悄入欄
花光燃早霽鳥語變春寒
詩債經年負鄉書隔歲看
舊來詞賦事憶遠更長安

戲贈蒲仙

君是文章伯長吟每倚欄
酒招衡岳秀詩入洞庭寒
汲古雄心在時情老眼看
莫嫌髭撚斷安字韻難安

无錯用予前韻言詩境示樸兒因憶廉卿摯甫二
君復自疊韻成一篇

詩情禪悅兩高寒恰似清齋守八關
積水一輪秋後月

碧空數點海中山故人牢落思長道新事淒涼付等閒
且與雞豚作春會衙官屈宋酒杯閒

是日麓逸治酒爲予壽

試院枯柏鵲巢其上戲詠以詩且招諸人之和

到眼青全失危巢尚養禽無生天地德不死歲寒心身
世看垂老尋常且好音坐忘春欲半階草綠沈沈

試院書感

當年校士此邦來大海明珠信有才次第分題官燭晚
輝煌下筆錦雲開十年泉石忘青瑣二月風光又碧苔
文事早知關世運鬱輪袍外一興哀

寄攀甫

幸餘求定稿

卷十二

三

冀州刺史晉時賢驚世文章四海傳藝院早推文石室
漳河新鑿禹山川興來徑解陶潛印臨去知留劉寵錢
好事風流愛才急報君叔寶果翩翩

登閣呈同人並示楷樸

東風駘蕩萬物生寒山亦借草木榮鎖門竟日如處女
吟哦之外無人聲興來登閣亦騁目紅霞剛受落日蒸
老柏欲死尚巢鵲柳色正好何無鶯人家落落孤塔迴
水遙天遠交相清是時同來七八輩張眼舉手皆詩情
渴驥力奔追舌箭汗馬排立勒心兵閨中女兒亦解趣
夜停鍼綫朝詩成媚媚濯秀春江柳朗朗照月玉山水

銀鉤寫借阿買字合口一闋春堂鏡卻憶少年鼓篋行
春風桃李空營營可憐戎馬近十載媿殺心秤爲文衡
新甥老友各助我佐以兒子原與齡人世紛拏多天幸
一物自笑辜生平大鵬乘風雀荆榛鴻鴈欲歸鴉滿林
胡梯扶下更洗觥覓句莫嫌到五更

寄女潔兒概書後漫題

武功山下二年居花事侵尋客裏疏久別故鄉忘不得
一春未半兩封書

雨色連江生遠煙高齋忽發綠楊天無端獨坐樓頭望
萬點歸鴻碧海邊

幸餘求定稿

卷十二

四

庭柳千條欲挂絲昨來送別苦相思東風二月燕山路
正是春寒未盡時

試事畢復戲疊三絕和康平

春來底事斷人腸十載詩懷任意狂今日宜晴宜雨候
偷閒小坐擬三唐

山作心肝水作腸興來爭說是詩狂不知天地高何許
更有何人辨宋唐

騷歌曾斷古人腸眼底流泉又飲狂一卷南華齊物好
未須莊叟是荒唐

无錯集錄試院酬唱詩成册感題一首

風暖山散寒日高花有輝南方盛春靄客燕猶未歸既
從千里宦復此三春微鏡鬢感華志階戲驪彩衣方將
簿書暇韻事壺觴飛湖海多風波雲谷足清機迴翔惜
珍木窈窕思故扉一卷自我貴千古當誰依眷言俄頃
用所得願無違

次韻答硯齋兼示蒲仙及无錯

南中二月時山水生春暉如何一室人匡坐澹忘歸結
交在四海相賞契以微顧我五彩服同君遊子衣陳公
彈哀琴目送歸鴻飛坐中范石湖舉手張天機錯落人
我懷明珠投暗扉綠楊藏鳥語桃李相因依何必眷江
幸餘求定稿

卷十二

五

湖卽此莫相違

小詩贈硯齋及蒲仙

慷慨悲歌日相看不忍醒勸君一杯酒莫作道旁聽
小餅吳江鏤紋笥顧渚筠須知陸高士曾是毀茶人
興發雷生地情忘雨散空有來無異曲豈必計窮通
眾禽鬧曉風雜花炫晴露清機一片來心與天同素

進酒
煮茶
哦詩
早起

種柳

豈爲成陰早逢春足嘯歌官中易送客不礙柳條多

曙起

芙蓉庭院日遲遲往事淒涼只自知今日不眠迎曙起

柳條人鬢兩如絲

曉赴試院借无錯半臂戲綴一章

公事何由了衰年攝養難三春將禁火半臂卻餘寒雨
沐山光展雲蒸日氣殘衣裳易顛倒念爾不能安

自笑一首

曩時解印縱攜壺高卧東窗百慮無人外傳聞雲聚散
山中甲子樹苑枯十年充隱終南徑二月官符合浦珠
自笑長吟亦何濟山林廊廟幾羸輪

春霽一首戲效倚雲詩境示令和之兼邀无錯同
作且示三兒子

幸餘求定稿

卷十二

六

殘雨連山霽尚微中庭春事正依稀花嬌鳳子探香入
柳密鴉雛曳絮飛午放餘暄鬆革帶風迴小冷怯春衣
劇憐舊日同巢燕不向珠簾畫閣歸

次韻康平春興

山郭晴兼雨春妍一倍加藻泥肥燕戶杏藥上蜂衙酒
緩初醺帶寒遲欲放花風光正如此好是各巾車

清歌引

今朝風日好芳苑發清歌清歌雖可娛曼響感人多在
昔少年日田竇相經過雕鞏珠勒馬琥珀金叵羅俯仰
一醒醉白日倏已訛逍遙泉石閒清音足山阿清絕不

能久舉權還滄波華志惑歧路詭境紛平頗慈烏哺未
極願瞻髮已皤杳杳天邊日沸沸水上渦抱茲曲終意
三歎將如何

庭樹生赤芝六莖兒婿見之以爲祥也走筆示之
芙蓉樹上赤芝生范甥勸作赤芝行我謂氣感亦偶爾
故事母乃傅會成商山當日避世英採芝採蕨同無情
古人長吟聊托意豎儒淺識相傳稱漢武芝房霍光柱
或休或咎空相驚方書藥鼎豈必是恐遇毒死乃仙名
世物紛綸德所蒸機出機入何愛憎卽今庭芝正如此
思我素積慙仙莖腐言未盡衆大笑考祥亦可聊稱觥
幸餘求定稿

卷十二

七

吾家有樓號來鼎

國初吾家於除夕有鼎
餼飛來餼中飯猶熱

宰木娑邏屋

老荆

先八世祖遺屋老荆棟爲四柱圍幾二
尺墓上一樹如繖罩之俗名之娑邏云

未能免俗

望長發繼以此芝爲四徵朝霞入夜猶散綺落日在樹
如繫繩何人倒插珊瑚根附枝著幹如聯星魯相庭前
六七壁梵王塔上三五鈴老人端爲兒孫喜移榻指點
時一興生人愉戚風約萍有遇卽樂斯爲經他時會適
天奚憑何必區區辨渭涇何必區區辨渭涇

聞鶉

湖西兩度燕銜泥客宦風光漫與攜寒食已過鄉夢遠
滿城春雨杜鵑啼

與蒲仙夜話卽示兒塔

顧馬無人過冀北九熊有母在淮南相思射策覩天巧
遮莫敲門惜大慙仙樂洞庭乘月聽明珠滄海入秋探
獨憐齊陞竽聲滿瑟調雖高只自諧

賢王

九廟神靈在三元厯數長如何方復 辟先事失賢王
帝眷留書牘天心缺斧戕懸知龍輻出萬涕灑連岡
和康平西郊春眺

南方春欲歸慨然念川麓松色秀羣峯花氣泛晴木鷺
下破煙黃日落變波綠輟想讀來章欣然愜心曲

幸餘求定稿

卷十二

八

讀詔

銅龍新象開黃道丹鳳銜書下紫霄天闕曉鐘呼萬歲
泉臺湛露徧 三朝電飛溥海傳聞喜 日捧 慈雲
想像遙別有關心人外感徘徊官燭夜分燒

安成餞春

三攜黃綬此閒過髮鬢崢嶸歲月磨地角春歸鶯不到
土風人少石偏多鐘魚響絕空青嶂帆檣聲稀冷綠波
又是落花好時節碧樟樹下獨婆娑

地無遊覽之所惟
有大樟連村蔭翫

而已

夜坐書懷示倚雲

綵繭春鐙動夜纒，熟蠶歲月感霜毛。少年市友思屠狗，老去心期慕釣鼈。世有吳門終自隱，山無畏壘可長逃。向平婚嫁尋常事，只恐人閒五嶽高。

立夏前二日郊行遇雨

到眼谿山暮高低，麥隴秋風篁沙岸。烏煙雨水田牛才，細輸仁政心長念。俗偷勞勞春似客，無計勸淹留。

積雨

積雨送春盡，山城不鎖寒。萬峯沈水外，孤樹忽雲端。重溼苔侵座，長蔬筍薦盤。人言秧水足，聊復此心寬。

地僻書來少，憂天眺望疲。目無堪送處，心有不灰時。短幸餘求定稿，

卷十二

九

劍星霜改長吟，風雨悲夜晴。瞻紫極北斗，尚離離。

硯齋和予聞詔詩疊韻酬之

銀鈎底事來吾眼，星斗珠連煥絳霄。五噫梁鴻過洛下，八哀杜甫感先朝。宮雲捧日龍顏喜，殿藻攜春虎節遙。臣力天功總終古，可憐當日介山燒。

蠶事詩走筆成二十韻

春盡蠶功起時清，衣被長宮壇。親賜絹芳甸，徧條桑八。育蛭珍出三眠繭，甕良家家園。客草處馬頭，娘簇罷。冬常日衣成夜不霜，星河明彩織。日月繡黃裳，送暖安。三老奇溫滿萬方，神功思古帝。愷澤望今皇，官舍茶糜。

晚金閨兒女忙宵鐙青縷箔朝日碧筠筐宛轉甯甘縛
經綸且善藏衣人無紊理濟世任投湯消息關微漠溫
寒待度量女紅絲五色僅約法三章顧我蛾生子衰年
蝓自僵頭顧看女長纖素感妻亡豈有牽牛詠將母化
蝶鄉白絲慙麗服金粟待秋涼舉眼棼絲解翳誰效績
彰相期乘泰運安坐共流黃

蘭

逐客無聊託興長至今爭襲楚遺芳樅陽江上多名卉
誰泛煙波采國香

繭扇贈硯齋兼示无錯

幸餘求定稿

卷十二

十

君家蠶事好餘藝妙能工蛛合難爲巧鳩巢未許同昔
聞繪扇貴漢制皇后貴妃用之命婦否今見繭絲功光耀飛精鏡圓

開似月弓素絲消暑日黃絹惜秋風細響宵牽縷規行
畫在龔一旬纏紙上百口吐環中無縫捐刀尺多層訝
僕僮招搖過羽白檢點想鐙紅四月殘春去三年製錦
空宦違馬安巧珠謝蟻穿通送似娛堂北聯翩效宅東
无錯續爲二扇絕佳策勳合寒煖披受聽雌雄自古揚仁枋炎涼
四海融

和外孫女馬爲勤

巫峽瑤姬雨瀟湘帝子雲似憐春易去爲我日紛紛

午日偶憶荊州舊遊撫時感事輒成一律

萬斛龍舟百丈絲荆南回首鬢毛衰暮帆夏雨章華道
曉日楓林屈子祠卅載風煙人代改一江蘅杜古今悲
湘纍自有傷懷事簫鼓年年作水嬉

質言一篇送无錯

高樹不藏暑火雲蒸午暉遊子戒巾裝何以避炎威迢
迢望經歲始來雪霏霏鳴鳩啄桑椹駕言千里違貧賤
難久留此情吾已知揮手在數日舉室同睜眙汝歸堂
上樂汝去吾親悲樂境良殊那復能挽回嫁女不遠
行如何慰尊慈報劉苦日短且復聊相依滔滔大江水
幸餘求定稿

卷十二

二

日夕無停機南風發庾嶺著意更相催海門何沆漭狼
山何雀鬼大澤萬怪多出門慎所之常言六合表壯遊
豈非宜但恐明發懷一日腸九迴讀書愛玉體勿逐輕
薄兒天衢軼蕩蕩虎豹無蹲睢木落江上寒秋高鷹隼
飛望汝時登閣念予或開扉予懷江湖深汝器海山奇
荊州有豚犬亦逐龍象馳聳身入閩闔聯步思杜韋逝
將從汝翁一笑滄海湄

重送无錯兼呈蔭堂先生

武功山外火雲生梅雨槐花送客行柔櫓一聲人去後
滿江鳴咽繞孤城

海雨湖雲易夏寒計程驚起念衣單書生興發輕千里
未得封侯不自安

乾坤何處是前期華屋相逢卽路歧聞闔五雲新捧日
一封書寄破顏時

海氣連江動十山時清天放汝翁閒早涼鳩杖登樓望
遙指孤帆天際還

飛櫂乘潮憶舊遊水心亭下綠楊秋西風若與吾生便
日日狼山對海鷗

漫別青山逐俸錢武功瀘水兩依然田桑空負成都郭
借隱終應絕島邊

幸餘求定稿

卷十二

十二

生兒何必仲謀佳王謝門庭自散懷今日得秋誰最早
秣陵新鷓兩三排

安成卽事

老來官况早霞同鎮日偷閒似武功香篆定時心共直
水光凝後境交空高齋山好思佳士小圃花疏待約僮
好雨知時蔬稻賤只除民俗亦雍融

送蒲仙赴鄉舉卽歸武陵

瀟湘此去水泠泠六月鳴蟬不可聽聞道湘靈能鼓瑟
數峯江上爲君青

長沙秋榜見名題料得還家橘柚齊一點君山湖萬頃

布帆斜日是湘西

賓館題襟二載餘銜杯相送藕花初楚江不少東行客
莫待歸鴻始寄書

題硯齋晨坐焚香圖

曉風吹日上峯頭昨夜谿雲宿水樓起炷名香對朝爽
泉聲琴韻一時秋

萬壑花光漠不分林廬幾處別春雲竭來讀畫知何地
無限清輝付此君

安福民王大鐫家生瑞竹一根三莖康熙間亦有
之云得二十年豐熟以牒來報翼日劉生國傳又

幸餘求定稿

卷十二

十三

以並蒂荷見贈感異瑞之頻畀慙德政之無聞昔
先五世祖守南安有嘉禾之應瞻望匪遙感賦一

篇志幸

芝醴無根源玉珠蓄輝媚運微謝奇光德至發深懿吾
祖守南安美政嘉禾異流風及小子遠敢肩背企連科
竹莖三並蒂荷蕊貳墮月澹雙影重露痕交翠駢珠懷
漢贈連袂感湘淚坐思人天交蚡蠻一寸地誠虧遜力
通意積成巧智先緒方百慙獻芹警一簣人運自時開
天會聊吾寄甌甄奉高堂三歎不能睡

謝劉生國傳贈並蒂荷花

樂遊分種自梁家念我衰遲贈物華大塊歲將成萬寶
小閒天許對名花鶯迎曉日同雙影鶴下低光欲四遮
聞道德人堪異瑞玉芝金帶證萌芽

七日有事西郊有懷寒人逼伯无錯及楷樸

薄宦易爲勞懷人難緩思辭親事遠郊已覺秋先至雞
鳴戒僕夫樹杪星三四出郭望人家林巒互深翳風朝
送風涼露葉聞餘墜初日隔山海馳光白在地諗此道
途情念彼窮居志矧有江海人辛苦千里意銀漢清且
淺牽牛隔錦織人生分多離明者慎名利瓜肥足暑餐
稻熟權晨刈默對隴上翁撫枕不成寐

幸餘求定稿

卷十二

十四

途中遇雨口號

風雨西來已是秋南天雲樹澹悠悠無端鴉鳴山晚
驚起江湖萬里愁

夜行西郊

城柝過三更官輿避暑行遠山星吐彩高柳月藏明雲
切朝光白河喧風雨聲漸知秋欲近涼意滿襟生

初秋村寓雨中懷

林居薄人事守官妨温清候雨變流光情感與心併雲
馳日方陰野響風先勁灑空斷續來飄瓦欹斜橫室涼
攬巾屢漏滴移書鏡椽欄晚韻多流綠入窗淨永懷堂

上權衣裳警秋孟借問棄春人何爲卻楚聘

夜懷寒人毅菴通伯

林晝喧鷓鴣蔓宵亂絡緯秋空月儲清暑坐風有味眷
懷洛誦孫掩卷眠應未鴻鴈久不來千里誰與慰

偶懷敬甫

零落黃花客燕還四年文座酒杯閒故人明日相思處
遠鴈寒雲海上山

海雲滿袖入歸車拜母時曾訪水涯萬頃湖光山數點
不知何處是君家

寄倫叔兄弟

幸餘求定稿

卷十二

十五

萬木櫛參露氣清天南又見鴈初征相思送我江樓晚
秋水孤帆皖口城

十年歲月電飛過疏廣餘金近若何今日天涯苦回首

一江風雨閉門多

贈龍心湖巡檢

見說雙松足嘯歌二年相識喜初過才人通籍高官少
儒吏催科下考多瀟水波光搖壁月武功雲浪接銀河
知君興發長吟後更寫新秋萬壑阿

龍善畫

武功山中

片日挂巖杪長天飛暮霞我行山水曲雲外見人家遠

樹盤歸鶴空山落晚花令人發奇興將欲向金華

曉行

輿發千山曉飛泉半灑空長櫬依嶺日疏磬入松風渠
堰宜人少丹青畫鬼工停驂一悵悵歸思海雲東

攜倚雲玩月有懷兼示概

碧天無際夜庭空涼月秋涵露氣濃近郭江山惟見塔
頽宮梵唄不聞鐘

鄰寺誦北斗
經日夜不絕

山城宜久從人老玉宇

宵寒定靄封回首觚稜曾待漏摩娑清影白皮松

午門
內兩

白皮松皆
數人合圍

題三釜齋酬唱圖卷子

幸餘求定稿

卷十二

十六

蘭亭無復見清華千載西園又共嗟勝事幾回悲夢蝶
文章終古握靈蛇當時發興殊聊爾後世傳頭莫漫誇
試把畫圖覓真賞丹青筆外正無涯

過高嶺

秋色澹諸有暮山高入天我行在雲表風御欲冷然落
日照人近微霜來鴈先眼中無物處看盡萬峯巔

秋螢

疏竹出微照暗林瞥見花雨檐纔上下風苑忽橫斜薄
態忘秋重羣飛喜夜餘蜻蛚亦輕便向日獨龍拏

九日懷通伯桐城无錯通州

九日銜杯憶別離吳雲楚雨負花期江流直注三千里

秋色平分十二時

今年重九在秋分節候內

丹竈有緣逢扁鵲青山

無恙失神龜

无錯病久遇良醫漸已通伯屢爲親卜兆屢不成

迢迢湖海書都

斷近把茱萸插向誰

次韻硯齋九日登鳳仙壇

重靄依然鎖石壇十年蹤迹阻江關不堪客散青天後
又看鴻飛碧嶂間人外深情籬下菊尊前秋色楚南山
蒼茫身世多魑魅莫放茱萸作等閒

具舟迎太守途中口占

舟夢警宵風客心賒水鷓片帆樹裏明初日霧中出山

幸餘求定稿

卷十二

十七

遠澹若雲煙定直如筆奚爲手版迎對景良自失

夢家山

江南好山水一別復三年雲中九華樹月裏練湖船大
江西南來風帆落秋煙初日照露宇萬豔墮我前推枕
失故境天雞風送姦物化變俄頃神曠安排遷人生一
日閒覺寐搜百千誰歟形骸外迴按獨啞然

謝金廉封贈菊

昨夜輕霜暎入庭送秋官舍思泠泠多君小圃攜鴉嘴
慰我高堂贈鶴翎對雨生香開玉甕舞風寒影掩銀屏
卻憐三徑從荒久坐想名園展一經

廉封贈菊把酒對之因念毅菴寒人賦此寄懷

八年歲月負花黃漫把清尊憶故鄉
秋日亭欄宜老圃西風籬落又重陽
貧交問訊遲鴻鴈舊德傳家耐雪霜
高卧於今更何處可能餘興理園荒

次韻硯齋遊石屋洞

怪石飛泉洞口銜記曾攜客訪名岳
十年蠟幾穿遊屐萬斛塵還染故衫
室有遺書差未典門多佳士任題凡
祇今刻燭輸公等落紙揮毫雨響杉

次篤生石屋洞韻

匡坐想崔嵬涼雲掃不開興高風挂席
同踏雨中苔木幸餘求定稿

卷十二

六

寒柝

四更寒柝動獨坐發清思白髮仍孤宦
青燈又此時周遭兼雨急迢遞帶風悲
誰減漫漫夜披裘待曉曦

次韻蒲仙謝人贈菊

西風斜照石苔蒼花事蕭疏皖水陽
三徑人歸逢落水一籬秋老正飛霜
貧家酒釀天然色隱士雲披冷澹香
官舍祇今對名種那堪開甕縱清狂

官廨二柳一爲引之遺植一爲予齋前所種荏苒

廿年皆成高樹秋日耗耗感思今昔各賦一詩

萬縷輕陰供夕暉
幾番解帶試新圍
故人寂寞銜杯去
引之以醉
老樹婆娑往事非
九月清霜隨鴈下
半窗寒月照鴉歸
人閒不是靈和殿
多少風流到此稀

燕巢空盡客星留
欄檻西風一樹秋
昨夜微霜門外路
斜陽疏影水邊樓
鳳毛官舍看新長
鶯語名園憶舊遊
爲報庭前生意在
可宜詩酒動清愁

贈署中諸子

澹慮妙心清
官中得餘樂
人語花外閒
棋聲柳下落
觴詠既屢聯
遊興一時作
寒雨過芳庭
霞光入深閣
聊緣瑤席懼
差免香囊惡
老勅無世心
曠懷任龍蠖

幸餘求定稿

卷十二

十九

遙思

風定官齋欲雪時
無端遙思滿天涯
鄉心皖北鳥嗁急
消息江南鴈到遲
通伯家難甫定无錯
解印幾經燕市
醉著書收盡海山奇
擊甫引疾教授直隸近聞復有出山之志敬甫客上海逾二十年
親朋生事都牢落
把鏡霜繁不自知

赤谷

雨林寒有煙
落葉平如掌
橋圯水亂流
厓斷雲孤上
籬輿問舊來
華歲抱情往
不聞蓋藏多
止見兒童長
人家失十五
燈火起三兩
故館如鶴歸
入門觸蛛網
但餘窗外竹
風夜贈疏響
觀世倏若斯
吾志何由廣

由赤谷至福慧菴

衰年仗酒消晨冷留醉舉帷眼小寬烏柏一林山雨霽
歸鴉數點水村寒厓深雞犬披雲見場罷牛羊倚樹盤
風景無多人意倦民疲 國耗兩難安

康平和予塞柝詩有觸予懷更賦一律

如何風露夕聽柝到朝曦繡幔空房夜青山野殯時五
更斷疏響流警倍相思舊日兒童長知卿望解悲

寄劉少塗

江湖常隔數千里音問平生不再通聞道孤帆又西上
衰年旅食與誰同交情童稚從師日長揖鄉關送客風
幸餘求定稿

卷十二

三

五十年閒總飄泊耦耕何計皖城東

女青雲歸送其翁姑葬兒樸同行亦謀葬其母也
臨別情見乎辭

客路二千弱行年六十來懽場吾道在門戶汝曹開發
權生春草還家翦舊萊青山無限好穿塚未須哀
官舍三旬聚離堂一瞬憐天風欺澹日江雪灑殘年埋
骨心期共親情去住牽入門想驚喜安穩話歸船

長宵

虛堂吏散歇絃歌小立蒼苔意若何獨樹當空來月早
殘蕉入夜受風多近聞美詔哀鴻鴈準擬諸軍罷鶴鴛

直北高寒天路遠長宵無睡對星河

疊韻秋柳追悼引之

無復風流共落暉周郎拍尺亦同歸

引之蓄一拍尺是周櫟園先生舊物

空疑階樹三花是差喜優曇一見非生擅畫名槃礴好死應狂態獨醒稀摩挲大有人琴感秋雨秋風又幾圍

菊謝疏籬山情待雪公餘行散見蒲仙凡上一枝

獨秀高人風韻自然遠長逸士精神遲暮彌劬擷

蓉桂之秋心佇梅花於春至欣於所遇觸爾動懷

爰得短章聊徵雅和

抱秋人意長寒葩亦未竭開落自有時豈惜遲暮折態

幸餘求定稿

卷十二

三

寒叢桂留氣與春梅結感物懷節甘東風散山雪

兒樸女青雲旣別去值臘日卻寄此篇

依然戲採燭珠懽底事難爲去歲看繫帛鴈催千里別
挂帆人翦一江寒綵衣分果剛餘半白髮觀雛與未寬
想得扁舟明月岸幾回相憶夜初關

寄无錯

西江老吏懷所親無言卻病維摩身世間推排我舊物
天意成就汝高人和神入冲化瑕釁奇骨不折如松筠
書來紙尾許相造扁舟爲載江南春

夢大兄

生死何嘗隔九泉情敦真爾徹天人警衣如夢逢今日
苦語憐予憶昔年客裏始知兄弟樂境空莫歎子孫賢
分明一去無消息後會還期及死先

時逾小寒蒲公菊猶亭亭茂豔疊韻更贈

勁草搖疾風甘井易先竭人間一推排果覺肱三折
彼後開菊綠與孟公結勸君留待春絕勝肥梅雪

戲贈蒲仙

去年今日落大雪今年山意未衝寒晴光照詩春滿紙
霜氣入語冰在盤官閒無事得佳友坐上有酒忘歲闌
苦句未須閉門索已見圓美同彈丸

幸餘求定稿

卷十二

三

戲贈研齋

作令我慙姚武功爲詩君似諸葛豐豹處幽元文美
霜鶻下擊凡鳥空吟情如此亦足樂至音相賞誰當同
大巫小巫各一闕拍手笑殺多牛翁

深宵

深宵頻徙倚霜氣動林柯地迴瞻星遠庭空受月多山
高微見色樵起杳聞歌歲晏行如此吾衰意若何

徐起

盆火添溫香篆絲輓轡傳響夢回遲披衣徐起當窗望
日上梅花第幾枝

馮小白爲兒概畫西山精舍圖成漫題三首

宦興來仍倦田園入思長春花嬌日暖夏竹貯風涼鳥
嘯雲中語山流雨後光殷勤十年事回首又他鄉

萬壑參雲樹人家夾水濱壯年歸隱地老去畫中人歲
月兒孫長生涯出處頻頭顱行若此誰寫路旁真

馮君槃礴羸久得畫師真素壁流江海青天下鬼神知
予茅舍好落筆夙心親默副兒曹意衰情亦借申

除夕

再作江南夢三除宦海年公家方事了詩興動春先鏗
火消寒燄兒童鬧夜筵老親多喜氣守歲不知眠

幸餘求定稿

卷十二

三

